

ሐተታ : ዘርአ : ያዕቆብ¹ =

[ክፍል : ፩ =] በስመ : አግቢአብሔር : ጻድቅ : ባሕቲቱ : እጽ
 ሕፍ : ገድለ : ዘርአ : ያዕቆብ : ምስለ : ጥበቡ : ወኅተታሁ : ዘደረሰ :
 ለሊሁ : አንዘ : ይብል : ገዑ : ስምዑኒ : አንግርክሙ : ኩልክሙ : እ
 ለ : ትፈርህም : ለአግቢአብሔር : መጠነ : ገብረ : ላቲ : ለነፍሱየ :
 5 እስመ : ናሁ : ወጠንኩ = በስመ : አግቢአብሔር : ፈጣሬ : ኩሉ :
 ቀዳማዊ : ወደኃሬዊ : አኃዜ : ኩሉ : ነቅዓ : ኩሉ : ሕይወት : ወኩ
 ሉ : ጥበብ : እጽሕፍ : ንስቲተ : አምኩሉ : ዘበጽሐ : ሊተ : በኑኃ :
 ዓመታተ : ሕይወትየ = ወበአግቢአብሔር : ትክበር : ነፍሱየ : ይስ
 ምዑ : የሞሃን : ወይትፈሥሑ = እስመ : አኒ : ኃሠሥክም : ለአግቢ
 10 አብሔር : ወተሰጥወኒ ፤ ወይእዜኒ : አንትሙኒ : ቅረቡ : ኅቤሁ : ወያበ
 ርህ : ለክሙ : ወኢይትኃፈር : ገጽክሙ = አዕብይም : ለአግቢአብሔር :
 ምስሌየ ፤ ወናልዕል : ስም : ኅቡረ = ወጥንተ : ሙላድየሰ : አምክህና
 ቲሃ : ለአክሱም = ወባሕቱ : አኒ : ተወለድኩ : አምጸነዳይ : መስተገብ
 ር : ውስተ : አድያመ : አክሱም : አመ : ፳ወጅለነሐሴ : በ፫ዓመተ : መ
 15 ንግሥቱ : ለያዕቆብ : በ፲፻ወጅ፻ወ፺ወ፫አምልደተ : ክር*ስቶስ : ወበጥ
 ምቀተ : ክርስትና : ተሰመይኩ² : ዘርአ : ያዕቆብ : ወሰብእሰ : ይቤ
 ሉኒ : ወርቄ = ወአምድኅረ : ልህቁ : አቡየ : ፈነወኒ : ኅበ : ቤተ : ት
 ምህርት : ከመ : እትመሀር : ወአምድኅረ : አንበብኩ : መዝሙረ : ዳዊ
 ት : መምህርየ : ይቤሎ : ለአቡየ : ዝንቱ : ሕፃን : ወልድክ : ብሩህ :
 20 ልቡና : ውኡቱ : ወተዓጋሢ : በትምህርት : ወለእመ : ፈነውክ : ኅበ :
 ቤተ : ትምህርት : ይከውን : ሊቀ : ወመምህረ = ወአቡየ : ሰሚዖ :
 ዘንተ : ፈነወኒ : ከመ : እትመሀር : ዜማ = ወባሕቱ : ድምፅየ : ኢይ
 ሜኒ : ሞጉርዔየ : ስሑክ : ውኡቱ : ወበአንተዝ : ከንክ[ም]ሙ : ሰሐ
 ቀ : (ወሥላቀ : ለአብያጽየ : ወነበርኩ : ህየ : ፫አውራኃ : ወአምዝ : ተ
 25 ንሣእኩ : በኅዘነ : ልብየ : ወሐርኩ : ኅበ : ካልእ : መምህር : ዘይሜ
 ሀር : ቅኔ : ወሰዋስወ : ወአግቢአብሔር : ጸገወኒ : ጥበበ : ከመ : እት
 መሐር : ፍጡነ : አምአብያጽየ : ወዝንቱ : አስተፍሥሐኒ : ህየንተ : ዘ
 አኅዘነኒ : ቅድመ : ወነበርኩ : ህየ : ፱ዓመተ : ወበአማንቱ : መዋዕል :
 አግቢአብሔር : አውጽኢኒ : አምዓይነ : ሞት = እስመ : እንዘ : እትዋ
 30 ኒይ : ምስለ : አብያጽየ : ወደቁ³ : ውስተ : ጻድፍ : ወ*ኢያኤመርኩ : ² r°.

Ms. d'Abb.
n° 215,
fol. 1 r°.

¹ v°.

¹ Inscriptionem addidi. — ² Ms. : ተሰየምኩ : — ³ Vox add. supra lineam.

ከመ ፡ በምንት ፡ ድኅንኩ ፡ እንበለ ፡ ዘክድኃነኒ ፡ እግዚአብሔር ፡ በመን
 ከር ፡ ወእምድኅረ ፡ ድኅንኩ ፡ ሰፈርከዎ ፡ ለውኣቱ ፡ ጸድፍ ፡ በሀብል ፡
 ነዊህ ፡ ወተረከበ ፡ ጌወጅበእመት ፡ ወጅስዝር ፡ ወአንሰ ፡ ተንሣኣኩ ፡
 ሕያወ ፡ ወሐርኩ ፡ ቤተ ፡ መምህርየ ፡ እንዘ ፡ አሴብሐ ፡ ለእግዚአብሔ
 ር ፡ ዘክድኃነኒ ፡ ወእምዝ ፡ ተንሣኣኩ ፡ ወሐርኩ ፡ ከመ ፡ እትመሀር ፡ 5
 ትርጓሜ ፡ መጻሕፍት ፡ ቅዱሳን ፡ ወነበርኩ ፡ በዛቲ ፡ ትምህርት ፡ ፲፩
 መተ ፡ ወተምህርኩ ፡ መጻሕፍተ ፡ በከመ ፡ ይተረጉምሎ ፡ ፍራንጅ ፡
 ወዓዲ ፡ በከመ ፡ ይተረጉምሎ ፡ መምህራነ ፡ ብሔርነ ፡ ወትርጓሜሆ
 ሙሰ ፡ ብዙኃ ፡ ጊዜ ፡ ኢተሰነፃወ ፡ ምስለ ፡ ልቡናየ ፡ ወባሕቱ ፡ አር
 መምኩ ፡ ወኅባእኩ ፡ ዙሎ ፡ ሕሊናየ ፡ ውስተ ፡ ልብየ ፡ ወእምዝ ፡ ተ 10
 መየጥኩ ፡ ወነበርኩ ፡ ውስተ ፡ ብሔርየ ፡ ዘክከሱም ፡ ወወጠንኩ ፡ እ
 ምህር ፡ መጻሕፍተ ፡ ፪፩መተ ፡ ወዝንቱሰ ፡ ዘመን ፡ ከነ ፡ ዘመነ ፡ እኩ
 የ ፡ እስመ ፡ በ፲ወፀፃመተ ፡ መንግሥቱ ፡ ለሱስንዮስ ፡ መጽአ ፡ አሱነ ፡
 አፎንስ ፡ እምነገደ ፡ ፍራንጅ ፡ ወድኅረ ፡ ፪፩መት ፡ ከነ ፡ ዓቢይ ፡ ስደ
 ት ፡ ውስተ ፡ ዙሎ ፡ ብሔረ ፡ ኢትዮጵያ ፡ እስመ ፡ ወምረ ፡ ንጉሥ 15
 በሃይማኖተ ፡ ፍራንጅ ፡ ወበእንተዝ ፡ ከነ ፡ ይሰድዶሙ ፡ ለዙሎ ፡
 አለ ፡ ኢተወከቶ ፡ ዘንተ ፡ ሃይማኖተ ፡

ክፍል ፡ ፪ ፡ ወአንሰ ፡ እንዘ ፡ ሀሎኩ ፡ ውስተ ፡ ብሔርየ ፡ ወእሜ
 ሀር ፡ መጻሕፍተ ፡ ብዙኃን ፡ እምአብያጽየ ፡ ጸልዑኒ ፡ እስመ ፡ ጠፍአ ፡
 በዝንቱ ፡ ዘመን ፡ ፍቅረ ፡ ቢጽ ፡ ወአኅዘሙ ፡ ቅንፃት ፡ እስመ ፡ አፃ 20
 ቢ ፡ እምኔሆሙ ፡ በትምህርት ፡ ወበፍቅረ ፡ ቢጽ ፡ ወአሰነፃው ፡ ምስለ ፡
 ዙሎ ፡ ሰብእ ፡ ምስለ ፡ ፍራንጅ ፡ ወምስለ ፡ ግብጻውያን ፡ ወአንዘ ፡ እ
 ሜሀር ፡ ወአተረጉም ፡ መጻሕፍተ ፡ አብል ፡ ከመዝ ፡ ወከመዝ ፡ ይቤሉ ፡
 ፍራንጅ ፡ ወከመዝ ፡ ወከመዝ ፡ ይቤሉ ፡ ግብጻውያን ፡ ወኢይብል ፡
 ዝንቱ ፡ ወናይ ፡ ወዝንቱ ፡ እኩይ ፡ አላ ፡ አብል ፡ ዝዙሉ ፡ ይሜኒ ፡ ለ 25
 እመ ፡ ንሜኒ ፡ ንሕነ ፡ ወበእንተዝ ፡ ጸልዑኒ ፡ ዙሎ ፡ እስመ ፡ ለግ
 ብጻውያን ፡ እመስሎሙ ፡ ፍራንጅ ፡ ወለፍራንጅኒ ፡ እመስሎሙ ፡ ግብ
 ጻፄ ፡ ወአስተዋደደኒ ፡ ብዙኃ ፡ ጊዜ ፡ ኅበ ፡ ንጉሥ ፡ ወእግዚአብሔር ፡
 ክድኃነኒ ፡ ወእምዝ ፡ ሐረ ፡ ፪፬ርየ ፡ እምካህናቲሃ ፡ ለአክሱም ፡ ዘሰ

ሙ ፡ ወልደ ፡ ዮሐንስ ፡ ወፍቁሩ ፡ ለንጉሥ ፡ ውኣቱ ፡ እስመ ፡ *በልሳ 30
 ኒ ፡ ጽልሑት ፡ ይትረከብ ፡ ፍቅረ ፡ ንጉሥት ፡ ወዝኩ ፡ ጸልሐዊ ፡ በዊኦ ፡
 ኅበ ፡ ንጉሥ ፡ ይቤሎ ፡ በእንቲአየ ፡ በአግን ፡ ዝንቱ ፡ ብኣሲ ፡ ያስሕቶ
 ሙ ፡ ለሕዝብ ፡ ወይቤሎሙ ፡ ይደልወነ ፡ ንትንሣኣ ፡ በእንተ ፡ ሃይማኖትነ ፡
 [ወንቅትሎ ፡ ለንጉሥ] ፡ ወንስድዶሙ ፡ ለፍራንጅ ፡ ወበዘይመስሎ ፡ ለዝ

1 Voces in margine scriptae.

ንቱ፡ አስተዋደየኒ፡ ብዙኃ፡ ወአንሰ፡ አእመርኩ፡ ዘንተ፡ በጊዜ፡ ወ
 ፈረሀኩ፡ ወነሳእኩ፡ ቸአውቅያተ፡ ወርቅ፡ ዘብየ፡ ወመጽሐፈ፡ ወመ
 ዝሙረ፡ ዳዊት፡ በዘእጼሊ፡ ወጉየይኩ፡ ሌሊተ፡ ወኢከሠትኩ፡ ወ
 ኢሊመኑሂ፡ ኅበ፡ አይቴ፡ አሐውር ሕ ወበእኩ፡ ገዳመ፡ መንገለ፡ ፈለ
 5 7፡ ተከዚ፡ ወበሣኒታ፡ አኅዘኒ፡ ረኃብ፡ ወወጻእኩ፡ በፍርሀት፡ ወሐ
 ርኩ፡ ከመ፡ እስክል፡ ኅብስተ፡ እምአብዕልተ፡ ሀገር፡ ወወሀቡኒ፡ ወ
 በላዕኩ፡ ወሐርኩ፡ እንዘ፡ እጉይይ = ወከመዝ፡ ብዙኃ፡ መዋዕል፡ ገበ
 ርኩ = ወእንዘ፡ አሐውር፡ መንገለ፡ ሸዋ፡ ረከብኩ፡ ገዳመ፡ ኅበ፡
 አልቦ፡ ሰብእ = ወታሕተ፡ ገቢይ፡ ጸድፍ፡ ሠናይ፡ ግብ፡ ሀሎ፡ ወእ
 10 ቤ፡ እነብር፡ ዝየ፡ በዘኢየአምሩኒ፡ ሰብእ = ወነበርኩ፡ ሀየ፡ ጅዓመ
 ተ፡ እስከ፡ ሞቱ፡ ለሱስንዮስ = ወጅጅጊዜ፡ እው*ጽእ፡ ወአሐውር፡ 3 v.
 ኅበ፡ ምሥያዋ፡ አው፡ ኅበ፡ ጅእምበሐውርተ፡ አምሐራ፡ ወእመስ
 ሎሙ፡ ለሰብእ፡ አምሐራ፡ መነከሰ፡ ባሕታዌ፡ ዘይስእል፡ ምጽዋተ፡ ወ
 ይሁቡኒ፡ ዘእበልዕ = ወባሕቱ፡ ሰብእ፡ ኢያእመሩ፡ ኅበ፡ አይቴ፡ እገ
 15 ብሰ፡ ወሶበ፡ ከንኩ፡ ለባሕቲትየ፡ ውስተ፡ ግብየ፡ መሰለኒ፡ ዘእነብ
 ር፡ ውስተ፡ መንግሥተ፡ ሰማያት = እስመ፡ ጸላእኩ፡ ነቢረ፡ ምስለ፡
 ሰብእ፡ አእሚርየ፡ እከዮሙ፡ ዘአልቦ፡ ጉልቶ፡ ወአሠነይኩ፡ ግብየ፡
 በሐውረ፡ አዕባን፡ ወአሥዋክ፡ ዘይከልጋሙ፡ ለአራዊተ፡ ገዳም፡ ከመ፡
 ኢይብልዑኒ፡ ሌሊተ፡ ወገበርኩ፡ ሙጻእ፡ ከመ፡ አምሥዋ፡ ለእመ፡
 20 ይመጽኡ፡ ኅበየ፡ ሰብእ፡ እለ፡ የገሥሠኒ፡ ወነበርኩ፡ ሀየ፡ በሰላም፡
 ወጸለይኩ፡ በኩሎ፡ ልብየ፡ በመዝሙረ፡ ዳዊት፡ ወተሰፈውኩ፡ በእገ
 ዚአብሔር፡ ዘይሰምኅኒ =

ከፍል፡ ቸ = ወእስመ፡ ከንኩ፡ ዘአልብየ፡ ተግባር፡ እምድገ[ረ]፡
 ጸሎት፡ ነበርኩ፡ ወሐለይኩ፡ ኩሎ፡ ግሚረ፡ በእንተ፡ ሐከከ፡ ሰብእ፡
 25 ወበእንተ፡ እከዮሙ = ወበእንተ፡ ጥበበ፡ እግዚአብሔር፡ ፈጣሪሆሙ፡
 ዘያረምም፡ ሶበ፡ ሰብእ፡ ይኔም፡ በስመ፡ ዚአሁ፡ ወይሰድድምሙ፡
 ለአብ*ያሊሆሙ፡ ወይቀትልምሙ፡ ለአኃዊሆሙ፡ እስመ፡ በዝ፡ መዋ 4 v.
 ዕል፡ ኃየሎ፡ ፍራንጅ = ወባሕቱ፡ አከ፡ ፍራንጅ፡ ባሕቲቶሙ፡ ወሰ
 ብእ፡ ብሔርኒ፡ የአከዩ፡ እምኔሆሙ፡ ወእለ፡ ተወከፋ፡ ሃይማኖተ፡
 30 ፍራንጅ፡ ይቤሎ፡ ግብጻውያንሰ፡ ከህጻ፡ ሃይማኖተ፡ ርትዕተ፡ ዘመ
 ንበረ፡ ጴጥርስ፡ ወአጽራረ፡ እግዚአብሔር፡ እሙንቱ = ወበእንተዝ፡
 ይሰድድምሙ፡ ወከማሁ፡ ግብጻውያን፡ ይገብሩ፡ በእንተ፡ ሃይማኖቶ
 ሙ = ወሐለይኩ፡ ወእቤ፡ ለእመ፡ እግዚአብሔር፡ ግቃቢሆሙ፡ ውእ
 ቱ፡ ለሰብእ፡ እፎ፡ ከመዝ፡ ተኃጉለ፡ ፍጥረቶሙ፡ ወእቤ፡ እፎ፡ የ
 35 አምር፡ እግዚአብሔር፡ ወቦኑ፡ ዘየአምር፡ በአርያም = ወእመበ፡ ዘየአ
 ምር፡ እፎ፡ ያረምም፡ ላዕለ፡ እከዮሙ፡ ለሰብእ፡ ሶበ፡ ያረከሱ፡

ስም ፡ ወይኤምፁ ፡ በቅዱስ ፡ ስመ ፡ ዚአሁ ፡ ሠሐለይኩ ፡ ብዙኃ ፡ ወኢ
 ለበውኩ ፡ ወኢምንተኒ ፡ ሠሐለይኩ ፡ ወእቤ ፡ ኦኦግዚእየ ፡ ወፈጣሪየ ፡
 ዘፈጠርከኒ ፡ ለባዌ ፡ ኦላብወኒ ፡ ወኅቡኦ ፡ ጥበበከ ፡ ኦይድዓኒ ፡ ኦብርሆ
 ን ፡ ለኦዕይንትየ ፡ ከመ ፡ ኢይኑማ ፡ ለመዊት ፡ ኦደዊከ ፡ ገብራኒ ፡ ወለ
 4 ሃ. ሐኳኒ ፡ ኦላብወኒ ፡ ወእትመሀር ፡ ትእዛዘከ ፡ *እስመ ፡ ሊተሰ ፡ ሕቅ ፡
 ከመ ፡ ዘእምተንተና ፡ እገርየ ፡ ወሕቅ ፡ ከመ ፡ ዘእምድኅፀ ፡ ሰኩናየ ፡
 ወገንቱሰ ፡ ምግ ፡ ውኦቱ ፡ በቅድሜየ ፡ ዘንተ ፡ ወዘይመስሎ ፡ ንበርኩ ፡
 እንዘ ፡ እጼሊ ፡ ወበጀእመዋዕል ፡ ሐለይኩ ፡ ወእቤ ፡ ኅበ ፡ መኑ ፡ እጼ
 ሊ ፡ ኦኒ ፡ ወቡኑ ፡ ኦግዚኦብሔር ፡ ዘይሰምዓኒ ፡ ወበዝንቱ ፡ ሕሊና ፡ ተ
 ከዝኩ ፡ ጥቀ ፡ ወእቤ ፡ ከንቶሁ ፡ እንጋ ፡ ኦጽደቅዋ ፡ ለልብየ ፡ በከመ ፡ 10
 ይቤ ፡ ዳዊት ፡ ወድኅረ ፡ ሐለይኩ ፡ ዘይቤ ፡ ውኦቱ ፡ ዳዊት ፡ ዘተከላ
 ሁ ፡ ለእዝን ፡ ኢይሰምዕኑ ፡ ወእቤ ፡ በእማን ፡ መኑ ፡ ወሀበኒ ፡ እዝን ፡
 ከመ ፡ እስማዕ ፡ ወመኑ ፡ ፈጠረኒ ፡ ለባዌ ፡ ወእፎ ፡ መዳእኩ ፡ ኦኒ ፡ ው
 ስተ ፡ ዝንቱ ፡ ዓለም ፡ ወእምኦይቴ ፡ መዳእኩ ፡ እስመ ፡ ኢሀሎኩ ፡
 እምቅ[ድ]መ ፡ ዓለም ፡ ወኦኦምር ፡ ጥንተ ፡ ሕይወትየ ፡ ወጥንተ ፡ ኦእ 15
 ምርትየ ፡ ወመኑ ፡ እንከ ፡ ፈጠረኒ ፤ ለልየኑ ፡ ተፈጠርኩ ፡ በእዴየ ፡
 ወባሕቱ ፡ ኢሀሎኩ ፡ ሰበ ፡ ተፈጠርኩ ፡ ኦኒ ፡ ወእመሰ ፡ ኦብል ፡ ኦቡ
 የ ፡ ወእምየ ፡ ፈጠሩኒ ፡ ይትኃሠሥ ፡ ዓዲ ፡ ፈጣሪሆሙ ፡ ለወላድያንየ ፡
 ወለወላድያኒሆሙ ፡ እስከ ፡ ኦመ ፡ ይበጽሑ ፡ ኅበ ፡ ቀደምት ፡ ዘኢተወ
 5 ሃ. ልዱ ፡ ከማን ፡ ኦላ ፡ ዘመጽኩ ፡ ውስተ ፡ ዝንቱ ፡ ዓለም ፡ በካልእ ፡ *ፍ 20
 ና ፡ እንዘ ፡ ኦልበሙ ፡ ወላዲ ፡ እስመ ፡ ለእመ ፡ እሙንቱሂ ፡ ተወል
 ዱ ፡ እምኦይቴ ፡ ጥንተ ፡ ሙላዶሙ ፡ ኢየኦምር ፡ እንበለ ፡ ዘእብል ፡ ዘ
 ፈጠሮሙ ፡ እምኅበ ፡ ኦልበ ፡ ጀሀላዌ ፡ ዘኢተፈጥረ ፡ ኦላ ፡ ዘሀሎ ፡ ወይ
 ሄሎ ፡ ለኩሎ ፡ ዓለም ፡ ኦግዚኦ ፡ ኩሎ ፡ ወኦኃዜ ፡ ኩሎ ፡ ዘኦልበ ፡ ጥ
 ንት ፡ ወኢተፍዳሜት ፡ ዘኢይትዌለጥ ፡ ወኢይትኃለቀ ፡ ዓመቲሁ ፡ ወ 25
 እቤ ፡ በ ፡ እንከ ፡ ፈጣሪ ፡ እስመ ፡ እመ ፡ ኦልበ ፡ ፈጣሪ ፡ እምኢተረ
 ከበ ፡ ፍጥረት ፡ ወእስመ ፡ ንሕን ፡ ሀሎን ፡ ወኢኮን ፡ ፈጣርያን ፡ ኦላ ፡ ፍ
 ጡራን ፡ ይደሎ ፡ ንበል ፡ ከመበ ፡ ፈጣሪ ፡ ዘፈጠረኒ ፡ ወገንቱ ፡ ፈጣሪ ፡
 ዘፈጠረኒ ፡ ለባውያን ፡ ወንባብያን ፡ ኢኮን ፡ እንበለ ፡ ለባዊ ፡ ወንባቢ ፡ እስ
 መ ፡ እምተረፈ ፡ ልቡናሁ ፡ ፈጠረኒ ፡ ለባውያን ፡ ወውኦቱሰ ፡ ኩሎ ፡ ይ 30
 ሌቡ ፡ እስመ ፡ ኩሎ ፡ ፈጠረ ፡ ወኩሎ ፡ ይኦኅዝ ፡ ወእቤ ፡ ፈጣሪየ ፡
 ይሰምዓኒ ፡ ሰበ ፡ ጸለይኩ ፡ ኅቤሁ ፡ ወበዝንቱ ፡ ሕሊና ፡ ተፈሳሕኩ ፡
 ዓቢየ ፡ ፍሥሐ ፡ ወጸለይኩ ፡ በዓቢይ ፡ ተስፋ ፡ ወኦኦቅርክዎ ፡ ለፈጣ
 ሪየ ፡ በኩሎ ፡ ልብየ ፡ ወእቤ ፡ ኦንተ ፡ ኦግዚኦ ፡ ተኦምር ፡ ኩሎ ፡ ሕሊ
 5 ሃ. ና ፡ ልብየ ፡ እምርሑቅ ፡ እስመ ፡ ናሁ ፡ ኦንተ ፡ ኦእመር*ከ ፡ ኩሎ ፡ 35
 ዘቀዳሚ ፡ ወዘደኃሪ ፡ ወኩሎ ፡ ፍናውየ ፡ ኦንተ ፡ ኦቅደምከ ፡ ኦእምሮ ፡

ወበእንተዝ ፡ ይቤ ፡ ተአምር ፡ አምርሑቅ ፡ አሰመ ፡ አግዚአብሔር ፡
አእመረ ፡ ሕሊናየ ፡ አምቅድመ ፡ እትፈጠር ፡ ኣነ ፡ ወእቤ ፡ አፈጣሬ ፡
ዚአየ ፡ አለብወኒ ።

ክኖል ፡ ቫ = ወድኅረ ፡ ሐለይኩ ፡ ወእቤ ፡ ኩሉ ፡ ዘተጽሕፈ ፡ ው
5 ስተ ፡ መጻሕፍት ፡ ቅዱሳት ፡ ይከውንኑ ፡ ጽድቀ ። ወሐለይኩ ፡ ብዙኃ ፡
ወኢለበውኩ ፡ ጥቀ ፡ ወእቤ ፡ አሐውር ፡ ወእሴአል ፡ ሰብአ ፡ ምሁራነ ፡
ወሐታትያነ ፡ ወይነግሩኒ ፡ ጽድቀ ። ወአምዝ ፡ ሐለይኩ ፡ ወእቤ ፡ ምን
ተ ፡ ይሰጠዉኒ ፡ ሰብአ ፡ እንበለ ፡ ዘሀሎ ፡ ውስተ ፡ ልቦሙ ። አሰመ ፡
ኩሉ ፡ ሰብአ ፡ ይብል ፡ ሃይማኖትየ ፡ ርትዕት ፡ ይእቲ ፡ ወእለ ፡ የአም
10 ኑ ፡ በካልእት ፡ ሃይማኖት ፡ የአምኑ ፡ በሐሰት ፡ ወአጽራረ ፡ አግዚአብ
ሔር ፡ አሙንቱ ። ወሞምሰ ፡ ፍራንጅ ፡ ይብሉነ ፡ ሃይማኖትነ ፡ ሠናይ
ት ፡ ይእቲ ፡ ወሃይማኖትከሙ ፡ እኪት ፡ ይእቲ ፡ ወንሕነሰ ፡ ናወሥእ ፡
ወንብሎሙ ፡ አክ ፡ ከመዝ ፡ አላ ፡ ሃይማኖትከሙ ፡ እኪት ፡ ወሃይማኖ
ትነ ፡ ሠናይት ። ወዓዲ ፡ አሰላም ፡ * ወአይሁድ ፡ ለአመ ፡ ንሴአሎሙ ፡ 6 r.

15 ከማሁ ፡ ክመ ፡ አምይቤሉነ ፡ ወበዝንቱ ፡ ተዋቅሦ ፡ መኑ ፡ ይከውን ፡
ፈታሔ ። አክ ፡ ሩእምእንላ ፡ አመሕያው ፡ አሰመ ፡ ኩሎሙ ፡ ሰብአ ፡ ከ
ኑ ፡ ወቃስያነ ፡ ወተዋቃሥያነ ፡ በበይናቲሆሙ ። ወአንሰ ፡ ቅድመ ፡ ተ
ሰእልኩ ፡ ሩመምሀረ ፡ ፍራንጅ ፡ በአንተ ፡ ብዙኃ ፡ ነገረ ፡ ሃይማኖትነ ፡
ወውአቱሰ ፡ ፈትሐ ፡ ኩሎ ፡ በከመ ፡ ሃይማኖቱ ። ወድኅረ ፡ ተሰእል
20 ኩ ፡ ሩዓቢየ ፡ መምሀረ ፡ ዘኢትዮጵያ ። ወውአቱኒ ፡ ፈትሐ ፡ ኩሎ ፡ በ
ከመ ፡ ሃይማኖቱ ። ወለአመ ፡ ንሴአል ፡ አሰላም ፡ ወአይሁድ ፡ ከመዝ ፡
ክመ ፡ ይፈትሑ ፡ በከመ ፡ ሃይማኖቶሙ ፡ ወአይቱ ፡ እረከብ ፡ ዘይፈት
ሐ ፡ ጽድቀ ። አሰመ ፡ በከመ ፡ ሃይማኖትየ ፡ ሊተ ፡ ይመሰለኒ ፡ ጽድቀ ፤
ከማሁ ፡ ሃይማኖቱ ፡ ለካልእ ፡ ይመስሎ ፡ ጽድቀ ። ወባሕቱ ፡ ጽድቀ ፡
25 አሐቲ ፡ ይእቲ ። ወእንዘ ፡ ከመዝ ፡ እሔሊ ፡ እቤ ፡ አጠቢብ ፡ ጠቢባን ፡
ወጻድቀ ፡ ጻድቃን ፡ ፈጣሬ ፡ ዚአየ ፡ ዘፈጠርከኒ ፡ ለባዌ ፡ አለብወኒ ፡ አ
ንተ ፡ አሰመ ፡ በኅበ ፡ ሰብአ ፡ ኢይትረከብ ፡ ጥበብ ፡ ወኢጽድቅ ። እን
በለ ፡ ዘይቤ ፡ ዳዊት ፤ አሰመ ፡ ኩሉ ፡ ሰብአ ፡ ሐሳዊ ፡ ውአቱ ። ወሐለ
ይኩ ፡ ወእቤ ፡ በይነ ፡ * ምንት ፡ ሰብአ ፡ ይሔሰዉ ፡ በዝንቱ ፡ ዓቢይ ፡ 6 v.

30 ነገር ፡ ለአጥፍኦተ ፡ ነፍሰሙ ፡ ወመሰለኒ ፡ ከመ ፡ ይሔሰዉ ፡ አሰመ ፡
ኢየአምሩ ፡ ወኢምንተኒ ፡ እንዘ ፡ ይመስሎሙ ፡ ያእምሩ ፡ ወአሰመ ፡ ይ
መስሎሙ ፡ ያእምሩ ። ወበእንተዝ ፡ ኢየኃትቱ ፡ ከመ ፡ ይርከቡ ፡ ጽድ
ቀ ። ወይቤ ፡ ዳዊት ፡ ረግዓ ፡ ከመ ፡ ሐሊብ ፡ ልቦሙ ፡ « አሰመ ፡ ረግዐ ፡
ልቦሙ¹ ፡ በዘሰምዑ ፡ አምቀደምቶሙ ፡ ወኢሐተቱ ፡ ለአመ ፡ ከነ ፡ ጽድቀ ፡

¹ Voces secunda manu in margine scriptae.

አው፡ ሐዕተ ። ወአንሰ፡ አቤ፡ ደለወኒ፡ አግዚአ፡ ዘአሕመምከኒ ። ከመ፡
አእምር፡ ከተነኔከ ። ገሥጸኒ፡ አንተ፡ በጽ[ድ]ቅ፡ ወተዛለፈኒ፡ በምሕረት ።
ወቅብዓ፡ ኃጥአንሰ፡ ወሐሳውያን፡ መምህራን፡ ኢይትቀባዕ፡ ርእሰየ፡
አለብወኒ፡ አንተ፡ እስመ፡ ፈጠርከኒ፡ ለባዌ ። ወሐለይኩ፡ ወአቤ፡
ለእመ፡ ለባዊ፡ አነ፡ ምንተ፡ አሌቡ ። ወአቤ፡ አሌቡ፡ ከመቦ 5
ፈጣሬ፡ ዘየጻቢ፡ አምኩሉ፡ ፍጥረት፡ እስመ፡ አምተረፈ፡ ዕቦዩ፡
ፈጠረ፡ ጻቢያተ፡ ወለባዊ፡ ውኣቱ፡ ዘኩሉ፡ ይሌቡ ። እስመ፡ አም
ተረፈ፡ ልቡናሁ፡ ፈጠረኒ፡ ለባውያን¹፡ ወይደልወነ፡ ንከግድ፡ ሎቱ፡
እስመ፡ አግዚአ፡ ኩሉ፡ ውኣቱ፡ ወአመ፡ ንጌሊ፡ ኅቤሁ፡ ይሰም
71° ግን፡ እስመ፡ አኃይ፡ ኩሉ፡ ውኣቱ ። ወሐለይኩ፡ ወአቤ፡ *አመ 10
ሰ፡ አግዚአብሔር፡ ፈጠረኒ፡ ለባዌ፡ አከ፡ በከንቱ፡ ዘከመዝ፡ ፈጠ
ረኒ፡ ዳዕሙ፡ ከመ፡ አኅሥም፡ ወአለቡ፡ ኪያሁ፡ ወጥቦቢሁ፡ በፍና፡
አንተ፡ ፈጠረኒ፡ ወአሰብሐ፡ እስከ፡ አመ፡ ሀሎኩ ። ወሐለይኩ፡ ወአ
ቤ፡ በይነ፡ ምንት፡ ኩሉ፡ ሰብአ፡ ኢይሌብወ፡ ጽድቅ፡ አንበለ፡ ሐሰ
ት፡ ወመሰለኒ፡ እስመ፡ ፍጥረተ፡ ሰብአ፡ ድክምት፡ ወሀካይት፡ ይአ 15
ቲ ። ወሰብአሰ፡ ይሠምር፡ በጽድቅ፡ ወጥቀ፡ ያፈቅሬ፡ ወይፈቅድ፡
ያእምር፡ ኅቡአተ፡ ፍጥረት፡ ወባሕቱ፡ ዕፁብ፡ ውኣቱ፡ ዝንቱ፡ ነገ
ር፡ ወኢይትረከብ፡ አንበለ፡ በጻቢይ፡ ጻጻ፡ ወትዕግሥት፡ በከመ፡
ይቤ፡ ሰሎምን፡ ወሀብኩ፡ ልብየ፡ ለኃሚሥ፡ ወለፈቲን፡ በጥቦብ፡ በአ
ንተ፡ ኩሉ፡ ዘተገብረ፡ አምታሕተ፡ ፀሐይ፡ እስመ፡ ሥራኃ፡ አኩየ 20
ወሀቦሙ፡ አግዚአብሔር፡ ለውሉደ፡ ሰብአ፡ ከመ፡ ይሥርሑ፡ ቦቱ፡
ወበአንተዝ፡ ሰብአ፡ ኢይፈቅዱ፡ ይሕትቱ፡ ወያቦድሩ፡ ይአመኑ፡
በዘሰምዑ፡ አምአቦዊሆሙ፡ አንበለ፡ ሐተታ ። ወዓዲ፡ አግዚአብሔር፡
ፈጠሮ፡ ለሰብአ፡ በዓለ፡ ምግባሩ፡ ከመ፡ ይኩን፡ በከመ፡ ፈቀደ ። አ
71° መሂ፡ ሠናየ፡ ወአመሂ፡ አኩየ ። ወለአመ፡ ሰብአ፡ የኃሬ፡ ይ*ኩን፡ 25
አኩየ፡ ወሐሳዌ፡ ይትከሐሎ፡ እስከ፡ ይረከቦ፡ ከነኔ፡ ዘይደልዎ፡ ለአ
ከዩ ። ወዓዲ፡ ሰብአ፡ ይሠምር፡ በዘይኔይሰ፡ ለሥጋሁ፡ እስመ፡ ሥጋ
ዊ፡ ውኣቱ ። ወየኃሥሥ፡ መፍቅዳተ፡ ሥጋሁ፡ በኩሉ፡ ፍና፡ በዘይ
ረከቦን፡ እመሂ፡ ሠናይ፡ ወአመሂ፡ አኩይ ። ወአከ፡ አግዚአብሔር፡
ዘፈጠሮ፡ ለሰብአ፡ አኩየ፡ አንበለ፡ ዘወሀቦ፡ ኅርየተ፡ ለከዊን፡ በከመ፡ 30
ይፈቅድ ። ወበዝንቱ፡ ኅርየት፡ ይኩን፡ ድልወ፡ ለዕሜት፡ ለእመ፡
ከነ፡ ሠናየ፡ አው፡ ለኩነኔ፡ ለእመ፡ ከነ፡ አኩየ ። ወሐሳዊ፡ ብአ
ሴሰ፡ ዘየኃሥሥ፡ ንዋየ፡ አው፡ ክብረ፡ በኅቦ፡ ሕዝብ፡ ለእመ፡ ይረ
ክብ፡ ዘንተ፡ በፍና፡ ሐሰት፡ ይትናገር፡ ሐሰተ፡ አንዘ፡ ያስተማሱ፡

¹ Vox secunda manu addita supra lineam; sed Δ pro Λ exstat.

ጽድቅ ። ወለሕዝብ ፣ አለ ፣ ኢይፈቅዱ ፣ ይኅችቱ ፣ ይመስሎሙ ፣ ጽድቅ ፣
 ወየአምኑ ፣ ቦቱ ፣ በጽኑዕ ፣ ሃይማኖት ። እስኩ ፣ በእስፍንቱ ፣ ሐሰት ፣
 የአምኑ ፣ ሕዝብነ ፣ ወየአምኑ ፣ በጽኑዕ ፣ ሃይማኖት ፣ በሐሳብ ፣ ከዋክብት ፣
 ወበካልአን ፣ ሐሳባት ። ወበድጋመ ፣ አስማት ፣ ኅቡአት ፣ ወበ
 5 ፋላት ፣ ወበስሒብ ፣ አጋንንት ፣ ወበኩሉ ፣ ርቅየት ፣ ወበኩሉ ፣ ነገረ ፣
 ጠንቋልያን ። ወኢየአምኑ ፣ በዝንቱ ፣ ኩሉ ፣ እ*ስመ ፣ ኅቲቶሙ ፣ ረ 8 ሞ.
 ከቡ ፣ ጽድቅ ፣ ዳዕሙ ፣ የአምኑ ፣ እስመ ፣ ሰምዕዎ ፣ አምቀደምቶሙ ፣
 ወእሙንቱሂ ፣ ቀደምት ፣ በይነ ፣ ምንት ፣ ሐሰጢ ፣ እንበለ ፣ ለረኪበ ፣ ንዋይ ፣
 እው ፣ ክብር ። ወከማሁ ፣ አለ ፣ ይፈቅዱ ፣ ይምልክምሙ ፣ ለሕ
 10 ዝብ ፣ ይቤሉ ፣ አግዚአብሔር ፣ ፈነወነ ፣ ኅቤካሙ ፣ ከመ ፣ ንዜኑካሙ ፣
 ጽድቅ ፣ ወሕዝብ ፣ አምኑ ። ወአለ ፣ መጽኑ ፣ ድኅሬሆሙ ፣ ኢኅተቱ ፣ አሚነ ፣
 አበዊሆሙ ፣ አለ ፣ ተወክፍዋ ፣ እንበለ ፣ ሐተታ ፣ ወዓዲ ፣ አጽንዕዎ ፣
 እንዘ ፣ ይዌስኩ ፣ ታሪካተ ፣ ዘትእምርታት ፣ ወተአምራት ፣ ለአጠይቆ ፣
 ጽድቅ ፣ ሃይማኖቶሙ ። ወይቤሉ ፣ አግዚአብሔር ፣ ገብረ ፣ ዘን
 15 ተ ፣ ወረሰይዎ ፣ ለአግዚአብሔር ፣ ስምዓ ፣ ሐሰት ፣ ወሱታሬ ፣ ምስለ ፣
 ሐሳውያን ።

ክፍል ፣ ፭ ። ወለሐታቲሰ ፣ ይትከሠት ፣ ጽድቅ ፣ ፍጡነ ። እስመ ፣
 ዘየሐትት ፣ በንጹሕ ፣ ልቡና ፣ ዘወደየ ፣ ፈጣሪ ፣ ውስተ ፣ ልበ ፣ ሰብእ ፣
 ነጹሮ ፣ ሥርዓተ ፣ ወሕገጋተ ፣ ፍጥረት ፣ ውእቱ ፣ ይረክብ ፣ ጽድቅ ።
 20 ሙሴ ፣ ይቤ ፣ ተፈነውኩ ፣ አምሳበ ፣ አግዚአብሔር ፣ ከመ ፣ እዜኑካሙ ፣
 ፈቃዶ ፣ ወሕጎ ፣ ወዘመጽኑ ፣ ድኅሬሁ ፣ ወሰኩ ፣ ታሪክ ፣ ተአ*ምራት 8 ላ.
 ዘተገብሩ ፣ ይቤሉ ፣ በምድረ ፣ ግብጽ ፣ ወበደብረ ፣ ሲና ፣ ወአስተማሰል
 ዎ ፣ ጽድቅ ፣ ለነገረ ፣ ሙሴ ። ወለሐታቲሰ ፣ ኢይመስሎ ፣ ጽድቅ ። እስ
 መ ፣ ይትረክብ ፣ ውስተ ፣ መጻሕፍተ ፣ ሙሴ ፣ ጥበብ ፣ ሕሱም ፣ ዘኢይሰ
 25 ነዓው ፣ ምስለ ፣ ጥበበ ፣ ፈጣሪ ፣ ወኢምስለ ፣ ሥርዓት ፣ ወሕገጋተ ፣ ፍ
 ጥረት ። እስመ ፣ በፈቃደ ፣ ፈጣሪ ፣ ወበሥርዓተ ፣ ፍጥረት ፣ ተአዘዘ ፣
 ከመ ፣ ብእሲ ፣ ወብእሲት ፣ ይትራከቡ ፣ በሩካቤ ፣ ሥጋዊ ፣ ለወሊደ ፣
 ውሉድ ፣ ከመ ፣ ኢይትኃጌል ፣ ፍጥረተ ፣ ሰብእ ። ወዝንቱ ፣ ሩካቤ ፣
 ዘሠርዓ ፣ አግዚአብሔር ፣ ውስተ ፣ ሕገ ፣ ፍጥረቱ ፣ ለሰብእ ፣ ኢይክል ፣
 30 ይኩን ፣ ርኩሰ ። እስመ ፣ አግዚአብሔር ፣ ኢያረኩስ ፣ ግብረ ፣ እደዊሁ ።
 ወሙሴሰ ፣ ይቤ ፣ ኩሉ ፣ ሩካቤ ፣ ርኩስ ፣ ውእቱ ፣ ወባሕቱ ፣ ልቡናነ ፣
 ያጤይቆነ ፣ ከመ ፣ ዘይብል ፣ ዘንተ ፣ ሐሳዊ ፣ ውእቱ ፣ ወይሬስዮ ፣
 ሐሳዌ ፣ ለውእቱ ፣ ፈጣሪ ። ወዓዲ ፣ ሕገ ፣ ክርስቲያን ፣ አምአግዚአብሔር ፣
 ይእቲ ፣ ይቤሉ ፣ ወተረክቡ ፣ ተአምራት ፣ ለአጠይቆታ ፣ ወባሕ
 35 ቱ ፣ ልቡናነ ፣ ይብለነ ፣ ወያጤይቆነ ፣ ከመ ፣ አውስበ ፣ አምሥርዓተ ፣
 ፈጣሪ ፣ ውእ*ቱ ፣ ወምንኩስናሰ ፣ ያበጥል ፣ ጥበበ ፣ ፈጣሪ ፣ እስመ ፣ 9

ይክልእ፡ ወሊደ፡ ውሉድ፡ ወያጠፍኦ፡ ፍጥረተ፡ ሰብእ ። ወሕገ፡ ክር
 ስቲያን፡ ሶበ፡ ትቤ፡ ይኔይስ፡ ምንኩስና፡ እምኣውስቦ፡ ነበበት፡
 ሐሰተ፡ ወኢኮነት፡ እምእግዚአብሔር፡ እስመ፡ ዘይነስት፡ ሕገ፡ ፈጣ
 ፊ፡ እፎ፡ ይኔይስ፡ እምጥበቡ፡ ወይክልኑ፡ ምክረ፡ ሰብእ፡ ያስተሣ
 ንዮ፡ ለግብረ፡ እግዚአብሔር ። ወከግሁ፡ መሀመድ፡ እምኅበ፡ እግዚ
 አብሔር፡ ተወከፍኩ¹፡ ዘእኤገዘከሙ፡ ይቤ፡ ወኢጠፍኡ፡ ጸሐፍያነ፡
 ተአምራት፡ ዘአጠየቁ፡ ተፈንዖተ፡ መሐመድ፡ ወአምኑ፡ ቦቱ ። ወን
 ሕነሰ፡ ነአምር፡ ከመ፡ ትምህርተ፡ መሀመድ²፡ ኢይክል፡ ይኩን፡ እ
 ምእግዚአብሔር ። እስመ፡ ዘይትወለድ፡ ሰብእ፡ ተባዕት፡ ወአንስት፡
 ዕሩያን፡ እሙንቱ፡ በጉልቆሙ፡ ወለእመ፡ ንጌልቋ፡ ተባዕተ፡ ወአን
 ስተ፡ ዘሀለጢ፡ ውስተ፡ ጅስፉሕ፡ ብሔር፡ ትትረከብ፡ አሐቲ፡ ብእሲ
 ት፡ ለለጅጅብእሲ፡ ወኢይትረከባ፡ ጅአው፡ ፲አንስት፡ ለለጅጅብእሲ፡ እ
 ስመ፡ ሕገ፡ ፍጥረት፡ ትኤዝዝ፡ ይትዋሰቡ፡ ጅምስለ፡ አሐቲ ። ወለ
 እመ፡ ጅብእሲ፡ ያወሰብ፡ ፲አንስተ፡ ይተርፉ፡ ህሰብእ፡ ዘአልቦሙ፡
 ብእሲት ። ወዝንቱ፡ ይነሥት፡ ሥርዓተ፡ ፈጣሪ፡ ወሕገኃተ፡ ፍጥ
 ረት፡ ወያበጥል፡ በቋጫተ፡ *አውስቦ ። መሀመድ፡ ዘመሀረ፡ በስመ፡
 እግዚአብሔር፡ ከመ፡ ይደልዎ፡ ለጅብእሲ፡ ያውስቦን፡ ለብዙኃት፡ አን
 ስት፡ ሐሳዊ፡ ውኣቱ፡ ወኢተፈነወ፡ እምኅበ፡ እግዚአብሔር ። ወዘን
 ተ፡ ንስቲተ፡ ሐተትኩ፡ በእንተ፡ ሕገ፡ አውስቦ፡ ወከግሁ፡ ለእመ፡
 አሐትት፡ ዘተርፈ፡ ውስተ፡ ሕገ፡ ኦሪት፡ ወውስተ፡ ሕገ፡ ክርስቲ
 ያን፡ ወውስተ፡ ሕገ፡ እስላም፡ አረክብ፡ ብዙኃ፡ ዘኢይሰነዓው፡ ምስ
 ለ፡ ጽድቅ፡ ወርትዓ፡ ፈጣሪነ፡ እንተ፡ ይከሥቶ፡ ለነ፡ ልቡናነ ። እ
 ስመ፡ ፈጣሪ፡ ወደየ፡ ውስተ፡ ልበ፡ ሰብእ፡ ብርሃነ፡ ልቡና፡ ከመ፡
 ይርአይ፡ ሠናየ፡ ወእኩየ ። ወያእምር፡ ዘይደሉ፡ ወዘኢይደሉ፡ ወይ
 ፍልጥ፡ ጽድቅ፡ እምሐሰት፡ ወከመ፡ በብርሃንነ፡ እግዚእ፡ ንርአይ፡
 ብርሃነ ። ወዝንቱ፡ ብርሃን፡ ዘልቡናነ፡ ለእመ፡ ንሬኢ፡ ቦቱ፡ በከመ፡
 ይደሉ፡ ኢይክል፡ ይኒጠነ፡ እስመ፡ ፈጣሪነ፡ ወሀበነ፡ ዘንተ፡ ብር
 ሃነ፡ ከመ፡ ንድኃን፡ ቦቱ፡ ወእከ፡ ከመ፡ ንትኃጎል ። ወኩሉ፡ ዘያር
 እየነ፡ ብርሃነ፡ ልቡናነ፡ እምነቅዓ፡ ጽድቅ፡ ውኣቱ፡ ዘሰ፡ ይብሉነ፡
 ሰብእ፡ እምነቅዓ፡ ሐሰት፡ ወልቡናነ፡ ያጤይቀነ፡ ከመ፡ ኩሉ፡ ዘሠር
 ዓ፡ ፈጣሪ፡ ርቱዕ፡ ውኣቱ ። ወፈጣሪሰ፡ በሠናይ፡ ጥበብ፡ ሠርዓ፡
 ከመ፡ የኅዝ፡ ደም፡ በበወርኅ፡ እማኅ፡ ብእ*ሲት ። ወዝንቱ፡ ው
 ኅዘተ፡ ደም፡ ይትፈቀድ፡ ለሕይወተ፡ ብእሲት፡ ወለወሊደ፡ ውሉድ፡
 ወብእሲትሰ፡ ዘአልባቲ፡ ዝንቱ፡ ውኅዘት፡ መካን፡ ይአቲ፡ ወኢት



¹ Vox secunda manu addita in margine. — ² Vox sec. man. add. supra lineam.

ክል ፡ ወሊደ ፡ እስመ ፡ ማሰነ ፡ ፍጥረታ ። ወሙሴስ ፡ ወክርስቲያን ፡ ረሰ
 ዩ ፡ ርኩስ ፡ ዘንተ ፡ ጥበበ ፡ ፈጣሪ ፡ ወሙሴ ፡ ያረከሱ ፡ ዓዲ ፡ ክሎ ፡
 ዘይትገሠሥ ፡ ዘከመዝ ፡ ብእሲት ፡ ወዝንቱ ፡ ሕገ ፡ ሙሴ ፡ ይሬሲ ፡ ክ
 ቡደ ፡ አውስበ ፡ ወክሎ ፡ ንብረተ ፡ ብእሲት ፡ ወያበጥል ፡ ሕገ ፡ ተራ
 5 ድኡ ፡ ወይከልእ ፡ አልሀቆ ፡ ውሉድ ፡ ወይነሥት ፡ ፍቅረ ፡ ወበእንተዝ ፡
 ዝንቱ ፡ ሕገ ፡ ሙሴ ፡ ኢይክል ፡ ይኩን ፡ እምፈጣሬ ፡ ብእሲት ። ወዓ
 ዲ ፡ ልቡናነ ፡ ይብላነ ፡ ይኩን ፡ መፍትወ ፡ ንቅብሮሙ ፡ ለአኃዊነ ፡ ኢ
 ለ ፡ ሞቱ ። ወአብድንቲሆሙ ፡ ኢኮኑ ፡ ርኩሳነ ፡ እንበለ ፡ በጥበበ ፡
 ሙሴ ፡ ወአከ ፡ በጥበበ ፡ ፈጣሪነ ፡ ዘፈጠረነ ፡ እመሬት ፡ ከመ ፡ ን[ግ]ባ
 10 ፡ ፅ ፡ ውስተ ፡ መሬት ። ወባሕቱ ፡ እግዚአብሔር ፡ ኢያረከሱ ፡ ሥር
 ዓቶ ፡ ዘሠርዓ ፡ በዓቢይ ፡ ጥበብ ፡ በከመ ፡ ይደልዎ ፡ ለክላ ፡ ፍጥረት ፡
 ሰብእስ ፡ ይፈቅድ ፡ ያርከሱ ፡ ከመ ፡ ያክብር ፡ ቃለ ፡ ሐሰት ። ወዓዲ ፡
 ይቤ ፡ ወንጌል ፡ ዘኢየሩሳሌም ፡ አባሁ ፡ ወእሞ ፡ ብእ*ሲቶ ፡ ወውሉድ ፡ 10 ሳ.
 ኢኮነ ፡ ድልወ ፡ ለእግዚአብሔር ፡ ወዝንቱ ፡ ኅድገትስ ፡ ያማስን ፡ ክ
 15 ሎ ፡ ፍጥረተ ፡ ሰብእ ፡ ወእግዚአብሔር ፡ ኢይሠምር ፡ በአማስኖተ ፡ ፍ
 ጥረቱ ። ወልቡናነስ ፡ ያርአየነ ፡ ከመ ፡ ኅዲገ ፡ አብ ፡ ወእሞ ፡ አመ ፡
 ርከዎሙ ፡ ከመ ፡ ይሙቱ ፡ በኃጢአ ፡ ረዳኢ ፡ ዓቢይ ፡ አበሳ ፡ ውእቱ ፡
 ወእግዚአብሔር ፡ ኢኮነ ፡ አሞላከ ፡ ዘዓመዓ ፡ ያፈቅር ፡ ወኅዲገ ፡ ውሉ
 ድስ ፡ የአኪ ፡ እምአፈዊተ ፡ ገዳም ፡ ዘኢየሳድጉ ፡ ዕጉሊሆሙ ። ወዘ
 20 ሰ ፡ የኅድጋ ፡ ለብእሲቱ ፡ ይሬስያ ፡ ከመ ፡ ትዘሙ ፡ ወክሎ ፡ ይነስት ፡
 ሥርዓተ ፡ ፈጣሪ ፡ ወሕገጋተ ፡ ፍጥረት ። ወበእንተዝ ፡ ዘይቤ ፡ ወ
 ንጌል ፡ በዝንቱ ፡ ብሔር ፡ ኢይክል ፡ ይኩን ፡ እምእግዚአብሔር ።
 ወዓዲ ፡ እስላም ፡ ይቤሉ ፡ ይደሉ ፡ ሠይጥ ፡ ወተሳይጦ ፡ ሰብእ ፡ ከመ ፡
 እንስሳ ። ወባሕቱ ፡ ልቡናነ ፡ የአምር ፡ ከመ ፡ ዝንቱ ፡ ሕገ ፡ እስላም ፡
 25 ኢይክል ፡ ይፃዕ ፡ እምፈጣሬ ፡ ሰብእ ፡ ዘፈጠረነ ፡ ፅሩያነ ፡ ከመ ፡ አኃ
 ው ፡ በዘንብሎ ፡ ለፈጣሪነ ፡ አቡነ ። ወመሀመድስ ፡ ረሰዮ ፡ ለሰብእ ፡ ድ
 ኩም ፡ ጥፊቶ ፡ ለኃያል ። ወአዕረያ ፡ ለፍጥረት ፡ ለባዊት ፡ ምስለ ፡ እን
 ስሳ ፡ ኢለባዊ ፡ ይክልኑ ፡ ይፃእ ፡ እ*ምእግዚአብሔር ፡ ዝንቱ ፡ ዓመዓ ። 11 ሶ.
 ወከማሁ ፡ እግዚአብሔር ፡ ኢይኤዝዝ ፡ ነገረ ፡ ከንቱ ፡ ወኢይብል ፡ ዘን
 30 ተ ፡ ትበልዕ ፡ ወዘንቱ ፡ ኢትበልዕ ። ዮም ፡ ብላዕ ፡ ወጌሠም ፡ ኢትብ
 ላዕ ። ወሥጋስ ፡ ኢትብላዕ ፡ ዮም ፡ ወጌሠመ ፡ ብላዕ ፡ በከመ ፡ ይመስ
 ሎሙ ፡ ለእለ ፡ የዓቅቡ ፡ ሕገጋተ ፡ አጽዋም ፡ በኅበ ፡ ክርስቲያን ። ወለ
 እስላምሂ ፡ ኢይቤሎሙ ፡ እግዚአብሔር ፡ ብልዑ ፡ ሌሊተ ፡ ወመዓል
 ተስ ፡ ኢትብልዑ ፡ ወዘይመስሎ ፡ ለዝንቱ ፡ እስመ ፡ ልቡናነ ፡ ይሜህረነ ፡
 35 ይኩነነ ፡ ብውሐ ፡ ንብላዕ ፡ ክሎ ፡ ዘኢያማስን ፡ ጥሒናነ ፡ ወፍጥረተነ ፡
 ወንብላዕ ፡ በበዕለት ፡ ዘየአክለነ ፡ ለመፍቅደ ፡ ሕይወትነ ። ወጀዕለተ ፡

በሊዕ : ወጀዕለተ : ጸዊም : ያማከን : ጥዲና : ወሕገ : ጸም : ውጹኦ :
ውኦቱ : ኦምሥርዓተ : ፈጣሪ : ዘፈጠረ : ወመባልዕተ : ለሕይወተ : ሰ
ብኦ : ወፈቀደ : ንብልዖው : ወናኦተቶ : ወኢይደልወነ : ንትሐረም :
ኦምበረከቱ = ወለኦመባ : ዘይብሉኒ : ለኦምቶ : ፍትወተ : ሥጋ : ተሠ
ርዓ : ሕገ : ጸም : ኦብሎው : ፍትወተ : ሥጋሰ : በዘብኦሲ : ይሰሐብ : 5
* 11 ላ። ጎበ : ብኦሲት : ወብኦሲት : ትሰሐብ : * ጎበ : ብኦሲ : ጥበባ : ፈጣሪ :
ውኦቱ : ወኦብጥሎቱሰ : ኢይደሉ : ኦንበለ : በሥርዓት : ኦሙር : ዘሠ
ርዓ : ውኦቱ : ፈጣሪ : በሩካቤ : ሕጋዊ = ኦስመ : ፈጣሪነ : ኢወደየ :
በከንቱ : ዘንተ : ፍትወተ : ውስተ : ሥጋ : ሰብኦ : ወኩሉ : ኦንከሳ :
ዳዕው : ተከለ : ዘንተ : ፍትወተ : ውስተ : ሥጋ : ሰብኦ : ከመ : ይኩ 10
ን : መሠረተ : ሕይወቱ : ለዝ : ዓለም : ወያቅም : ኩላ : ፍጥረተ :
ውስተ : ፍና : ዘተሠርዓ : ላቲ = ወከመሰ : ዝንቱ : ፍትወት : ኢይ
ዓዕ : ኦምውሳኔሃ : ደደልወነ : ንብላዕ : በመጠነ : መፍቅድነ : ኦስመ :
ጽጋብ : ወስካር : ያማከን : ጥዲና : ወምግባር = ወባሕቱ : በከመ : ኢ
ኦበሰ : ዘበልዓ : በመጠነ : መፍቅዱ : በዕለተ : ኦሑድ : ወበመዋዕለ : 15
፯ : ከማሁ : ኢይኤብስ¹ : ዘይበልዕ : በዕለተ : ዓርብ : ወበመዋዕል : ኦ
ምቅድመ : ፋሲካ = ኦስመ : ኦግዚኦብሔር : ፈጠሮ : ለሰብኦ : ምስለ :
መፍቅደ : በሊዕ : ዕሩይ : በበኩሉ : ዕለት : ወበበኩሉ : ወርኅ = ወኦ
ይሁድሰ : ወክርስቲያን : ወኦስላም : ኢለበዉ : ውስተ : ግብረ : ኦግዚ

* 13 ላ። ኦብሔር : ሰባ : ሠርዑ : ሕገ : ጸም = * ወይኤሰዉ : ኦንዘ : ይብሉ : 20
ኦግዚኦብሔር : ሠርዓ : ለነ : ጸመ : ወከልኦነ : በሊዓ : ኦስመ : ኦግዚ
ኦብሔር : ፈጣሪነ : ወሀበነ : መባልዕተ : ሲሳየነ : ከመ : ንሴሰሎ : ወኦ
ከ : ከመ : ንትሐርም : ኦምኔሁ =

ክፍል : ፯ :: ወባ : ካልኦ : ዓቢይ : ሐተታ : ኦስመ : ኩሎው : ሰ
ብኦ : ዕሩያን : ኦሙንቱ : በጎበ : ኦግዚኦብሔር : ወኩሎው : ለባውያ 25
ን : ፍጥረተ : ዚኦሁ : ወውኦቱ : ኢፈጠረ : ሿክዝበ : ለሕይወት : ወ
ጀለምት : ጀደ : ለምሕረት : ወጀደ : ለኩነኔ : ወልቡናነ : ይሜሀረነ :
ከመ : ዝንቱ : ኦድልዎ : ኢይትረከብ : በጎበ : ኦግዚኦብሔር : ጳድቅ :
በኩሉ : ምግባሩ = ወሙሴሰ : ተፈነወ : ከመ : ይምሀሮው : ለኦይሁ
ድ : ባሕቲቶው : ወውኦቱ : ዳዊት : ይቤ : ኢገብረ : ከማሆው : ለባዕ 30
ዳን : ኦሕዛብ : ወኢነገሮው : ፍትሐ = በይነ : ምንት : ኦግዚኦብሔር :
ለጀክዝብ : ነገሮ : ፍትሐ : ወለካልኩ : ኢነገሮ = ወበዝንቱ : መዋዕል :
ክርስቲያን : ይብሉ : ትምህርተ : ኦግዚኦብሔር : ኢይትረከብ : ኦንበለ :
በጎቤነ : ወከማሆው : ይብሉ : ኦይሁድ : ወኦስላም : ወሰብኦ : ሀንድ :



¹ Ms. : ኢይኦ።

ወካልኦን ። ወዓዲ ፣ *ክርስቲያን ፣ ኢይሰነዓዊ ፣ በበይናቲሆሙ ፣ ወፍ ፣ 13 ሃ.
 ፊንጅ ፣ ይብሉኝ ፣ አልቦ ፣ ትምህርተ ፣ እግዚአብሔር ፣ ምስሌክሙ ፣ አ
 ላ ፣ ምስሌኝ ፣ ዘሀሎ ። ወንሕነሂ ፣ ከመዝ ፣ ከመ ፣ ዘንብል ፣ ወለአመ ፣
 ንሰምዖሙ ፣ ለሰብአ ፣ እምኢበጽሐ ፣ ትምህርተ ፣ እግዚአብሔር ፣ እን
 5 በለ ፣ ጎበ ፣ ጎዳጣን ፣ ጥቀ ። ወዓዲ ፣ ኢነአምር ፣ ጎበ ፣ መኑ ፣ በጽሐ ፣
 እምእሉ ፣ ዙሎሙ ፣ ተስዕኖኑ ፣ ለእግዚአብሔር ፣ አጽንዖ ፣ ቃሉ ፣ በጎ
 በ ፣ ሰብአ ፣ ለአመ ፣ ፈቀደ ። ወባሕቱ ፣ ጥበበ ፣ እግዚአብሔር ፣ በሠና
 ይ ፣ ምክር ፣ ኢሳደገ ፣ ሰብአ ፣ ይሰነዓዊ ፣ በሐሰት ፣ ከመ ፣ ኢይመስሎ
 ሙ ፣ ጽድቀ ። እስመ ፣ ሰበ ፣ ዙሎ ፣ ሰብአ ፣ ተሰነዓዊ ፣ በጅነገር ፣ ይመ
 10 ሰል ፣ ጽድቀ ፣ ዝንቱ ፣ ነገር ። ወዙሉ ፣ ሰብአ ፣ ኢይክሉ ፣ ይሰነዓዊ ፣
 በሐሰት ፣ በከመ ፣ ኢይሰነዓዊ ፣ በሃይማኖቶሙ ፣ ወኢምንተኒ ። እስኩ ፣
 ነሐሊ ፣ በይነ ፣ ምንት ፣ ዙሎሙ ፣ ሰብአ ፣ ይሰነዓዊ ፣ በብሂሎቶሙ ፣ ከ
 መበ ፣ እግዚአብሔር ፣ ፈጣሬ ፣ ዙሎ ። እስመ ፣ ልቡና ፣ ዙሎ ፣ ሰብአ ፣
 የአምር ፣ ከመ ፣ ዝንቱ ፣ ዙሎ ፣ ዘንሬኢ ፣ ፍጡር ፣ ውኣቱ ፣ *ወከመ ፣ 13 ም.
 15 ኢይክል ፣ ይትረከብ ፣ ፍጡር ፣ እንበለ ፣ ፈጣሬ ፣ ወከመበ ፣ ፈጣሬ ፣ ጽ
 ድቅ ፣ ውኣቱ ። ወበእንተዝ ፣ ይሰነዓዊ ፣ ቦቱ ፣ ዙሎ ፣ ሰብአ ፣ ወባሕ
 ቱ ፣ ሰበ ፣ ነሐትት ፣ ሃይማኖታተ ፣ ዘመሀሩ ፣ ሰብአ ፣ እስመ ፣ ሀሎ ፣
 ውስቴቶሙ ፣ ሐሰት ፣ ምስለ ፣ ጽድቅ ፣ ተቶሲሐ ፣ በእንተዝ ፣ ኢንሰ[ኒ]
 ዓው ፣ ቦሙ ። ወሰብአ ፣ ይትበኣሉ ፣ በበይናቲሆሙ ፣ ወጅይብል ፣ ከመ
 20 ዝ ፣ ወከመዝ ፣ ጽድቅ ፣ ውኣቱ ። ወካልኩ ፣ ይብል ፣ አኩ ፣ አላ ፣ ሐሰ
 ት ፣ ውኣቱ ፣ ወዙሎሙ ፣ ይሐሰዊ ፣ እንዘ ፣ ይሬስዩ ፣ ቃለ ፣ ሰብአ ፣
 ቃሎ ፣ ለእግዚአብሔር ። ወሐለይኩ ፣ ወእቤ ፣ ሃይማኖተ ፣ ሰብአሰ ፣ ወለ
 አመኒ ፣ ኢኮነት ፣ እምእግዚአብሔር ፣ ትትፈቀድ ፣ ሎሙ ፣ ለሰብአ ፣
 ወታገብር ፣ ሠናዖተ ፣ እስመ ፣ ታፈርሆሙ ፣ ለአኩያን ፣ ከመ ፣ ኢይግበ
 25 ሩ ፣ እከየ ፣ ወትናዝዘሙ ፣ ለሠናዖን ፣ በትዕግሥቶሙ ፣ ወሊተሰ ፣ ትት
 መሰል ፣ ዘከመዝ ፣ ሃይማኖት ፣ ብእሲተ ፣ ብእሲ ፣ ዘወለደት ፣ እምዝሙ
 ት ፣ እንዘ ፣ ኢየአምር ፣ ምታ ፣ ወምታሰ ፣ ይትፈሳሕ ፣ በሕፃን ፣ ዘይመ
 ስሎ ፣ ወልደ ፣ 1 ወዖፈቅሬ ፣ ለእሙ ፣ አመሰ ፣ የአምር ፣ ከመ ፣ *ወለደት ፣ 13 ሃ.
 እምዝሙት ፣ ይቴከዝ ፣ ወይሰድዳ ፣ ለብእሲቱ ፣ ምስለ ፣ ወልዳ ። ወከ
 30 ማሁ ፣ አኔ ፣ እምድሳረ ፣ አአመርኩ ፣ ከመ ፣ ሃይማኖትየ ፣ ዘማ ፣ ይአቲ ፣
 አው ፣ ሐሳዊት ፣ ተከዝኩ ፣ በእንቲአሃ ፣ ወበእንተ ፣ ውሎዳ ፣ ዘእምዝ
 ሙታ ፣ ወውኣቶሙ ፣ ጽልዕ ፣ ወስደት ፣ ወዝብጠት ፣ ወተሞቅሐ ፣ ወሞ
 ት ፣ ዘሰደዱኒ ፣ ውስተ ፣ ዝንቱ ፣ ግብ ፣ ወባሕቱ ፣ ከመ ፣ እበል ፣ ጽድ
 ቀ ፣ ዛቲ ፣ ሃይማኖተ ፣ ክርስቲያን ፣ በከመ ፣ ተሠርዓት ፣ በዘመነ ፣ ወን

1 Vox sec. man. add. in margine.

ጌል ፡ ኢክነት ፡ አኪተ ፡ አስመ ፡ ትኤዝዞሙ ፡ ለሰብአ ፡ ፍቅረ ፡ በበይ
ናቲሆሙ ፡ ወክሎ ፡ ግብረ ፡ ምሕረት ። ወበዝንቱ ፡ ዘመንሰ ፡ ሰብአ ፡
ብሔርነ ፡ አፍለሱ ፡ ፍቅረ ፡ ወንጌል ፡ ጎበ ፡ ጽልዕ ፡ ወተኃይሎ ፡ ወጎ
ምዘ ፡ አርዌ ፡ ምድር ፡ ወነሰቱ ፡ ሃይማኖቶሙ ፡ አመሠረታ ፡ ወይሜ
ሀሩ ፡ ከንቶ ፡ ወይገብሩ ፡ ግመግ ፡ ወበሐሰት ፡ ይትበሀሉ ፡ ክርስቲያነ ። 5

ክፍል ፡ ፯ ። ወሐለይኩ ፡ ወአቤ ፡ በይነ ፡ ምንት ፡ አግዚአብሔር ፡
የኃድግ ፡ ሰብአ ፡ ሐሳውያነ ፡ ያስሕትዎሙ ፡ ለሕዝበ ፡ ዚአሁ ። አግዚ
አብሔርሰ ፡ ወሀበሙ ፡ ለክሉ ፡ ለለጅጅልቡና ፡ ከመ ፡ ያአምሩ ፡ ጽድቀ ፡

* 14 r°. ወሐሰተ ፡ ወጸገዎሙ ፡ ጎርየተ ፡ በዘየጎርዩ ፡ ጽድቀ ፡ አው ፡ * ሐሰተ ፡
በከመ ፡ ፈቀዱ ። ወለአመ ፡ ንፈቅድ ፡ ጽድቀ ፡ ንጎሥሣ ፡ በልቡናነ ፡ ዘ 10

ወሀበነ ፡ አግዚአብሔር ፡ ከመ ፡ ንርአይ ፡ ቦቱ ፡ ዘክነ ፡ ለነ ፡ መፍትወ ፡
ውስተ ፡ ክሉ ፡ መፍቅዳተ ፡ ፍጥረት ። ወለጽድቅሰ ፡ ኢንረከባ ፡ በት
ምህርታተ ፡ ሰብአ ፡ አስመ ፡ ክሉ ፡ ሰብአ ፡ ሐሳዊ ፡ ውኣቱ ። ወለአ
መሰ ፡ ናበድፈ ፡ ለሐሰት ፡ አምጽድቅ ፡ ኢይትኃጎል ፡ በአንተ ፡ ዝንቱ ፡
ሥርዓተ ፡ ፈጣሪ ፡ ወኢሕግ ፡ ጠባይዓዊ ፡ ዘተሠርዓ ፡ ለክሉ ፡ ፍጥረት ፡ 15

አንበለ ፡ ንሕነ ፡ ዘንትኃጎል ፡ በስሕተትነ ። ወአግዚአብሔርሰ ፡ የዓቅ
ብ ፡ ዓለመ ፡ በሥርዓቱ ፡ ዘሠርዓ ፡ ወዘሰብአ ፡ ኢይክሉ ፡ አማስኖቶ ፡
አስመ ፡ ሥርዓተ ፡ አግዚአብሔር ፡ ይጸንዕ ፡ አምሥርዓተ ፡ ሰብአ ። ወበ
አንተዝ ፡ አለ ፡ የአምኑ ፡ ከመ ፡ ምንክሰና ፡ ይኔይስ ፡ አምአውስበ ፡
አሙንቱኒ ፡ ይሰሐቡ ፡ አምጽንዑ ፡ ለሥርዓተ ፡ ፍጣሪ ፡ ጎበ ፡ አው 20

ስበ ። ወአለ ፡ የአምኑ ፡ ከመ ፡ ጸም ፡ ያጸድቅ ፡ ነፍሰ ፡ አሙንቱኒ ፡ ይ
በልዑ ፡ አመ ፡ ይአጎዘሙ ፡ ረጎብ ። ወአለ ፡ የአምኑ ፡ ከመ ፡ ዘየኃ
ድግ ፡ ንዋዮ ፡ ይከውን ፡ ፍጹመ ፡ አሙንቱሂ ፡ አምበቀዔት ፡ ዘይት
* 14 v°. ረከብ ፡ በንዋይ ፡ ይሰሐቡ ፡ * ጎበ ፡ ጎሤሠ ፡ ንዋይ ። ወአምድጎረ ፡ ጎደ
ግም ፡ የጎሥሥም ፡ ክዕበ ፡ በከመ ፡ ይገብሩ ፡ ብኩኃን ፡ አመነከሳተ ፡ ብሔ 25

ርነ ። ወከመዝ ፡ ክሎሙ ፡ ሐሳውያነ ፡ ይፈቅዱ ፡ ይንከትዎ ፡ ለሥር
ዓተ ፡ ፍጥረት ፡ ወባሕቱ ፡ ኢይክሉ ፡ አንበለ ፡ ያርአይ ፡ ሐሰቶሙ ፡ ድ
ኩመ ። ፈጣሪሰ ፡ ይስሕቆሙ ፡ ወአግዚአ ፡ ፍጥረት ፡ ይሣለቅ ፡ ላዕሌ
ሆሙ ። አስመ ፡ የአምር ፡ አግዚአብሔር ፡ ገቢረ ፡ ፍትሕ ፡ ወበግብረ ፡
አደዊሁ ፡ ተሠግረ ፡ ኃጥእ ። ወበአንተዝ ፡ መነኮስ ፡ ዘያነውር ፡ ሥርዓ 30

ተ ፡ አውስበ ፡ ይሠገር ፡ በዝሙት ፡ ወበካልእ ፡ አበሳ ፡ ሥጋሁ ፡ በዘኢ
ክነ ፡ ፍጥረቱ ፡ ወበአኩይ ፡ ሕማም ። ወአለ ፡ ይሜንኑ ፡ ንዋዮሙ ፡ ይከ
ውኑ ፡ መድልዋነ ፡ በጎበ ፡ ነገሥት ፡ ወአብዕልት ፡ ከመ ፡ ይርከቡ ፡ ን
ዋየ ። ወአለ ፡ የጎድጉ ፡ አዝማዲሆሙ ፡ በአንተ ፡ አግዚአብሔር ፡ ብሂ
ሎሙ ፡ የጎጥኡ ፡ ረዳኤ ፡ አመ ፡ ምንዳቤሆሙ ፡ ወርስዎሙ ፡ ወይበጽሑ ፡ 35

ጎበ ፡ ሐሜት ፡ ወጽርፈት ፡ ላዕለ ፡ አግዚአብሔር ፡ ወላዕለ ፡ ሰብአ ።

ወከመዝ፡ ከሎሎ፡ አለ¹፡ ይነስቱ፡ ሥርዓተ፡ ፈጣሪ፡ ይወገሩ፡ በግ
 ብረ፡ እደዊሁ ። ወዓዲ፡ የጎድግ፡ አግዚአብሔ* ር፡ ስሕተተ፡ ወእ¹⁵ ።
 ከየ፡ ግእከለ፡ ሰብእ፡ እስመ፡ ነፍሳቲኒ፡ ሀለዋ፡ ውስተ፡ ዝንቱ፡ ዓለ
 ም፡ ከመ፡ ውስተ፡ ብሔረ፡ ፈቲን፡ በዘይትጫከሩ፡ ቦቱ፡ ጎሩያነ፡
 5 አግዚአብሔር፡ በከመ፡ ይቤ፡ ጠቢብ፡ ሰሎሞን፡ እስመ፡ አግዚአብ
 ሔር፡ አምከሮሙ፡ ለጳድቃን፡ ወረከቦሙ፡ ድልዋነ፡ ሎቱ፡ ወከመ፡ ወ
 ርቅ፡ ዘይትፈተን፡ በሞንሐብ፡ አምከሮሙ፡ ወከመ፡ ጽንሐሕ፡ ውኩ
 ፍ፡ ተወክፎሙ፡ ወአምድጎረ፡ ሞትነሰ፡ አመ፡ ንገብ፡ ጎብ፡ ፈጣሪነ፡
 ንሬኢ፡ በከመ፡ አግዚአብሔር፡ ሠርዓ፡ ከሎ፡ በጽድቅ፡ ወበዓቢይ፡
 10 ጥበብ፡ ወከሎ፡ ፍኖቱ፡ ጽድቅ፡ ወርት፡ ወከመሰ፡ ነፍሰነ፡ ተሐ
 ዩ፡ አምድጎረ፡ ሞተ፡ ሥጋነ፡ ይትዓወቅ፡ እስመ፡ በዝንቱ፡ ዓለም፡
 ኢይትፈጸም፡ ፍትወትነ፡ ወአለ፡ አልቦሙ፡ የጎሥሡ፡ ወአለ፡ ቦሙ፡
 ይፈቅዱ፡ ይወስኩ፡ ዓዲ፡ ለዘቦሙ፡ ወለእመኒ፡ አጥረየ፡ ብእሲ፡ ከ
 ሎ፡ ዘሀሎ፡ ውስተ፡ ዓለም፡ ኢይጸግብ፡ ወዓዲ፡ ይፈቱ ። ወዝንቱ፡
 15 ጠባይዓ፡ ፍጥረትነ፡ ይኤምር፡ ከመ፡ ኢተፈጠርነ፡ ለንብረተ፡ ዝዓለ
 ም፡ ባሕቲቱ፡ አላ፡ ወለዘይመጽኦ፡ ንብረት፡ ወበ*ህየ፡ ነፍሳት፡ እ¹⁵ ።
 ለ፡ ፈጸማ፡ ፈቃደ፡ ፈጣሪሆን፡ ይጸግባ፡ ፍጹመ፡ ወኢይፈትዋ፡ እን
 ከ፡ ካልኦ፡ ነገረ ። ወእንበለዝ፡ ፍጥረተ፡ ሰብእ፡ እምከነ፡ ንቱ፡ ወ
 እምኢረከበ፡ ከሎ፡ ዘይትፈቅድ፡ ሎቱ ። ወዓዲ፡ ነፍሰነ፡ ትክል²፡
 20 ተሐሊ፡ አግዚአብሔር?፡ ወትርኦሎ፡ በሕሊና? ። ወዓዲ፡ ትክል፡ ተ
 ሐሊ፡ ነቢረ፡ ለዓለም ። ወአግዚአብሔር፡ ኢወሀበ፡ በከንቱ፡ ተሐሊ፡
 ዘንቱ፡ ዳፅሙ፡ በከመ፡ ወሀባ፡ ተሐሊ፡ ወሀባሂ፡ ወትርከብ ። ወዓዲ፡
 በዝ፡ ዓለም፡ ኢይትፈጸም፡ ከሎ፡ ጽድቅ፡ ወሰብእ፡ እኩያን፡ ይጸ
 ግቡ፡ እምሠናያተዝ፡ ዓለም፡ ወየዋሃን፡ ይርጎቡ ። በእኩይ፡ ዘይትፈ
 25 ሣሕ፡ ወበሠናይ፡ ዘይቴከዝ፡ በዓማዒ፡ ዘይትፈጋ፡ ወበ፡ ጳድቅ፡
 ዘይበኪ ። ወበእንተዝ፡ ይትፈቅድ³፡ አምድጎረ፡ ሞትነ፡ ካል፡ ንብ
 ረት፡ ወካል፡ ጽድቅ፡ ፍጹም፡ ዘይፈድሎ፡ ለከሎ፡ በከመ፡ ምግባሩ ።
 ወየዓሥሎሙ፡ ለእለ፡ ፈጸሙ፡ ፈቃደ፡ ፈጣሪ፡ ዘተከሥተ፡ ሎሙ፡ በ
 ብርሃነ፡ ልቡናሆሙ፡ ወለእለ፡ ዓቀቡ፡ ሕገ፡ ጠባይዓዌ፡ ዘፍጥረቶ
 30 ሙ ። ወሕገ፡ ፍጥረትነ፡ ጥይቅ፡ ውኣቱ፡ እስመ፡ ልቡናነ፡ *ይነግ¹⁶ ።
 ረነ፡ ከሡተ፡ ለእመ፡ ነሐትታ ። ወባሕቱ፡ ሰብእ፡ ኢፈቅዱ፡ ይጎትቱ፡
 ወአብደሩ፡ ይእመኑ፡ በቃለ፡ ሰብእ፡ እምይጎሥሡ፡ ፈቃደ፡ ፈጣሪ
 ሆሙ፡ በጽድቅ ።

ከፍል፡ 𐩦 ። ወፈቃደ፡ ፈጣሪ፡ ይትዓወቅ፡ በዝንቱ፡ ሐጺር፡

¹ Vox sec. man. add. supra lineam. — ² Vox add. supra lineam. — ³ Ms. :
 "ቅድ፡

ብሂሎተ ፡ ልቡናነ ፡ ዘይብለነ ፡ ስግድ ፡ ለእግዚአብሔር ፡ ፈጣሪክ ፡ ወአፍ
 ቅር ፡ ነሎ ፡ ሰብአ ፡ ከመ ፡ ነፍስከ ። ወዓዲ ፡ በብሂሎተ ፡ ልቡናነ ፡
 ኢትግበር ፡ ለሰብአ ፡ ዘኢትፈቅድ ፡ ይግበሩ ፡ ለከ ። ወግበር ፡ ሎሙ ፡
 ዘትፈቅድ ፡ ይግበሩ ፡ ለከ ። ወዓዲ ፡ ገብላተ ፡ ኦሪት ፡ ፈቃድ ፡
 ፈጣሪ ፡ እሙንቱ ፡ እንበለ ፡ ዳዕሙ ፡ አክብሮተ ፡ ሰንበት ፡ እስመ ፡ 5
 በአንተ ፡ አክብሮተ ፡ ሰንበት ፡ ያረግጥ ፡ ልቡናነ ። ወከመሰ ፡ ኢንቅ
 ትል ፡ ወኢንጦርቅ ፡ ወኢነሐሱ ፡ ወኢንሑር ፡ ብአሲተ ፡ ብአሲ ፡
 ወዘይመስሎ ፡ ለዝንቱ ፡ ልቡናነ ፡ ይጫህረነ ፡ ከመ ፡ ኢይደልወነ ፡ ንግ
 በር ። ወከማሁ ፡ ገብላተ ፡ ወንጌል ፡ ፈቃድ ፡ ፈጣሪ ፡ እሙንቱ ።
 እስመ ፡ ንሕነ ፡ ንፈቅድ ፡ ይግበሩ ፡ ለነ ፡ ዘንተ ፡ ግብረ ፡ ምሕረት ፡ ወይ 10
 ፡ 16 ም፡ ደልወነ ፡ ንግበር ፡ ለካልኣን ፡ *ዘይትከሐለነ ። ወዓዲ ፡ ፈቃድ ፡ ፈጣ
 ሪ ፡¹ ውኣቱ ፡ ከመ ፡ ንዕቀብ ፡ ሕይወተነ ፡ ወንብረተነ ፡ ውስተ ፡ ዝንቱ ፡
 ዓለም ። እስመ ፡ በፈቃድ ፡ ፈጣሪ ፡ መጻእነ ፡ ወንነብር ፡ ውስተ ፡ ዝን
 ቱ ፡ ሕይወት ፡ ወኢይደልወነ ፡ ንጎድጎ ፡ እንበለ ፡ በፈቃዱ ፡ ቅዱስ ፡
 ወይፈቅድ ፡ ውኣቱ ፡ ፈጣሪነ ፡ ከመ ፡ ናሠንዮ ፡ ለንብረትነ ፡ በአኦሮ 15
 ትነ ፡ ወበገቢር ፡ እስመ ፡ ወሀበነ ፡ ልቡና ፡ ወተክህሎ ፡ ለዝንቱ ። ወበአ
 ንተዝ ፡ ገቢረ ፡ ግብረ ፡ ኦድ ፡ ፈቃድ ፡ ፈጣሪ ፡ ውኣቱ ። እስመ ፡ እን
 በለዝ ፡ ኢይትረከብ ፡ መፍቅደ ፡ ሕይወትነ ። ወከማሁ ፡ አውስቦ ፡ ጅዱ ፡
 ምስለ ፡ አሐቲ ፡ ወአልህቆ ፡ ውሎድ ። ወሀለዉ ፡ ዓዲ ፡ ብኩታን ፡ ካል
 ኣን ፡ ግብራት ፡ ዘይሰነዓዉ ፡ ምስለ ፡ ልቡናነ ፡ ወይትፈቅዱ ፡ ለሕይወ 20
 ትነ ፡ አው ፡ ለንብረተ ፡ ነሎሙ ፡ አንላ ፡ እመሕያው ፡ ወይደልወነ ፡ ንዕ
 ቀሰሙ ፡ እስመ ፡ ከመዝ ፡ ውኣቱ ፡ ፈቃዱ ፡ ለፈጣሪነ ፡ ወይደልወነ ፡ ናኦ
 ምሮ ፡ ከመ ፡ እግዚአብሔር ፡ ኢፈጠረነ ፡ ፍጹማነ ፡ ዳዕሙ ፡ ፈጠረነ ፡
 ለባውያነ ፡ ወድልዋነ ፡ ለተፈጽሞትነ ፡ ከመ ፡ ንትፈጽም ፡ እስከ ፡ አመ ፡
 ፡ 17 ም፡ ሀሎነ ፡ ውስተ ፡ ዝንቱ ፡ ዓለ*ም ፡ ወንኩን ፡ ድልዋነ ፡ ለዕሜት ፡ ዘአሰ 25
 ተዳለወ ፡ ለነ ፡ ፈጣሪነ ፡ በጥበቡ ። ወእምተክህሎ ፡ ለእግዚአብሔር ፡ ይ
 ፍጥረነ ፡ ፍጹማነ ፡ ወይረሰየነ ፡ ብፁዓነ ፡ ዲቦ ፡ ምድር ። ወባሕቱ ፡ ኢ
 ፈቅደ ፡ ይፍጥረነ ፡ ከማሁ ፡ ወፈጠረነ ፡ ድልዋነ ፡ ለተፈጽሞትነ ፡ ወአን
 በረነ ፡ ማእከለ ፡ መንሱተዝ ፡ ዓለም ፡ ንኩን ፡ ፍጹማነ ፡ ወድልዋነ ፡ ለ
 ዕሜት ፡ ዘይሁበነ ፡ ፈጣሪነ ፡ እምድጎረ ፡ ሞትነ ፡ ወእስከ ፡ አመ ፡ ንፄ 30
 ሎ ፡ ውስተ ፡ ዝንቱ ፡ ዓለም ፡ ይደልወነ ፡ ንሰብሐ ፡ ለፈጣሪነ ፡ ወንፈ
 ጽም ፡ ፈቃድ ፡ ወንትግገሥ ፡ እስከ ፡ አመ ፡ ይወስደነ ፡ ጎቤሁ ። ወ
 ንስኣል ፡ ጎበ ፡ ኂሩቱ ፡ ከመ ፡ ያቅልል ፡ ለነ ፡ መዋዕለ ፡ ፈቲናትነ ።
 ወከመ ፡ ይጎድግ ፡ ለነ ፡ አበሳነ ፡ ወዕበደነ ፡ ዘገበርነ ፡ በኢያእምሮትነ ፡

¹ Vox sec. man. add. in margine.

ወየሀበነ ፡ ልቡና ፡ ከመ ፡ ናአምር ፡ ሕገጋተ ፡ ዘተፈጥሮትነ ፡ ወንዕቀቦን ።
 በእንተ ፡ ጸሎትሰ ፡ ይደልወነ ፡ ንጹሊ ፡ ዘልፈ ። አስመ ፡ መትልዋ ፡ ለፍ
 ጥረት ፡ ለባዊት ፡ ውኣቱ ። ወነፍስ ፡ ነባቢት ፡ ዘትሌቡ ፡ ከመበ ፡ እግ
 ዚኣብሔር ፡ ዘኩሎ ፡ የአም*ር ፡ ወኩሎ ፡ የግቅብ ፡ ወኩሎ ፡ ይመልክ ፡ 17 ሃ°
 5 ትሰሐብ ፡ ኅቤሁ ፡ ከመ ፡ ትጻሊ ፡ ወትስኣል ፡ አምኔሁ ፡ ሠናያተ ፡ ወት
 ድኃን ፡ አምእኩይ ፡ ወትትመኃፀን ፡ ውስተ ፡ እዴሁ ፡ ለዘኩሎ ፡ ይክ
 ል ፡ ወአልበ ፡ ዘይሰግና ፡ እግዚኣብሔር ፡ ግቢይ ፡ ወልዑል ፡ ወይሬኢ ፡
 ዘበታሕቱ ፡ ወይእኅዝ ፡ ኩሎ ፡ ወይሌቡ ፡ ኩሎ ፡ ወይመርሀ ፡ ኩሎ ፡
 ወይሜሀር ፡ ኩሎ ፡ አቡነ ፡ ወፈጣሪነ ፡ ወግቃቢነ¹ ፡ ወዕሜተ ፡ ነፍሳቲነ ፡
 10 መስተሳሰል ፡ ወኔር ፡ ዘየአምር ፡ ኩሎ ፡ ምንጻቤነ ፡ ወይሠምር ፡ በትዕ
 ግሥትነ ፡ ዘፈጠረነ ፡ ለሕይወት ፡ ወአክ ፡ ለሙስና ። በከመ ፡ ይቤ ፡
 ጠቢብ ፡ ሰሎምን ፡ አንተ ፡ እግዚኣ ፡ ትሜሀር ፡ ኩሎ ፡ አስመ ፡ ከሐሊ ፡
 አንተ ፡ ላዕለ ፡ ኩሎ ፡ ወትትኔይይ ፡ ኅግውኣ ፡ ሰብእ ፡ እንዘ ፡ ትጻ
 ንሐ ፡ ለንስሐ ። ታፈቅር ፡ ኩሎ ፡ እለ ፡ ሀሎ ፡ ወአልበ ፡ ዘትሜንን ፡
 15 ወኢምንተኒ ፡ አምዘገበርክ ፡ አንተ² ፡ ትምህክ ፡ ወትሣሃል ፡ ላዕለ ፡
 ኩሎ ፡ ፍጥረት ፡ ወእግዚኣብሔር ፡ ፈጠረነ ፡ ለባውያነ ፡ ከመ ፡ ነሐሊ ፡
 ዕባዮ ፡ ወናእኩቶ ፡ ወንጹሊ ፡ ኅቤሁ ፡ በእንተ ፡ ረኪበ ፡ መፍቀዳተ ፡
 ሥጋነ ፡ ወነፍስነ ፡ ዘን*ተ ፡ ኩሎ ፡ ይሜሀረነ ፡ ልቡናነ ፡ ዘወደየ ፡ ፈጣ^{18 ሃ°}
 ሪነ ፡ ውስተ ፡ ልበ ፡ ሰብእ ፡ ወእፎ ፡ ይከውን ፡ ከንቶ ፡ ወሐሰተ ።
 20 ክፍል ፡ ፱ ። ወአንሰ ፡ አእመርኩ ፡ ግዲ ፡ በክልእ ፡ ፍና ፡ ከመ ፡
 ይሰምዕ ፡ እግዚኣብሔር ፡ ጸሎተነ ፡ ሰበ ፡ ንጹሊ ፡ ኅቤሁ ፡ በልብነ ፡ ም
 ሎዕ ፡ ወበፍቅር ፡ ወበተአምና ፡ ወበትዕግሥት ፡ አስመ ፡ ኃጥእ ፡ አነ ፡
 ወነበርኩ ፡ አመ ፡ ንዕስየ ፡ ብዙኃ ፡ ዘመነ ፡ እንዘ ፡ ኢይሔሊ ፡ ወኢም
 25 ንተኒ ፡ በግብረ ፡ እግዚኣብሔር ፡ ወኢይጼሊ ፡ ኅቤሁ ፡ ወአበስኩ ፡ ብዙ
 ኃ ፡ በዘኢይደልዋ ፡ ለፍጥረት ፡ ለባዊት ፡ ወበእንተ ፡ ኃጢአትየ ፡ ወ
 ደቂ ፡ ውስተ ፡ መሥገርት ፡ እንተ ፡ ኢይትከሐሎ ፡ ለሰብእ ፡ ይድኃን ፡
 አምኔሃ ፡ ወአልጸቁ ፡ እትመንደብ ፡ ፍጹመ ፡ ወመጽኣኒ ፡ ድንጋጂ ፡ ሞ
 ት ። ውኣተ ፡ ግሚረ ፡ ተመየጥኩ ፡ ኅበ ፡ እግዚኣብሔር ፡ ወወጠንኩ ፡
 እጸሊ ፡ ኅቤሁ ፡ ከመ ፡ ያድኅነኒ ፡ አስመ ፡ ውኣቱ ፡ የአምር ፡ ኩሎ ፡
 30 ፍናወ ፡ አድኅኖ ፡ ወእቤሎ ፡ ለእግዚኣብሔር ፡ እኔስሕ ፡ አምኃግውኣ ፡
 ወአኃሥሥ ፡ ፈቃደክ ፡ እግዚኣ ፡ ወእገብራ ። ወባሕቱ ፡ ይእኬ ፡ ኅድ
 ግ ፡ ሊተ ፡ አበሳየ ፡ * ወአድኅነኒ ። ወጸለይኩ ፡ በኩሎ ፡ ልብየ ፡ ብዙኃ ፡ 18 ሃ°
 መዋዕለ ፡ ወእግዚኣብሔር ፡ ሰምጻኒ ፡ ወአድኃነኒ ፡ ፍጹመ ፡ ወአእኩት
 ክዎ ፡ ወተመየጥኩ ፡ ኅቤሁ ፡ በፍጹም ፡ ልብየ ። ወእቤ ፡ መዝሙረ ፡

¹ Ms. : "ቃቤነ ፡ — ² Ms. : "ት ፡

በስፋሕ ፡ ልብየ ፡ በመዝሙረ ፡ ዳዊት ፡ እስመ ፡ ዝንቱ ፡ ጸሎት ፡ ይበ
 ቊግኒ ፡ ጥቀ ፡ ወያሌዕል ፡ ሕሊናየ ፡ ጎበ ፡ እግዚአብሔር ። ወለእመ ፡
 አረከብ ፡ በመዝሙረ ፡ ዳዊት ፡ ዘኢይሰነግው ፡ ምስለ ፡ ሕሊናየ ፡ አነ ፡
 አተረጉሞ ፡ ወአስተሰነግዎ ፡ በአእምሮትየ ፡ ወኩሉ ፡ ይሜኒ ፡ ሊተ ።
 5 ወሶበ ፡ እዬሊ ፡ ከመዝ ፡ ይፈደፍድ ፡ ትውክልትየ ፡ በእግዚ *አብሔር ። * 20 ሾ.
 ወአብል ፡ ዘልፈ ፡ አጽምግኒ ፡ እግዚአ ፡ ጸሎትየ ። ወኢትትኃየየኒ ፡ ስ
 አለትየ ። አድግነኒ ፡ እምትዕግልተ ፡ አንለ ፡ እመሕያው ፡ አንተ ፡ እግ
 ዚአ ፡ ኢታርጎቅ ፡ ሳህለከ ፡ እምኔየ ። ምሕረትከ ፡ ወጽድቅከ ፡ ዘልፈ ፡
 ይርከባኒ ። ወኢይትኃፈር ፡ እግዚአ ፡ እስመ ፡ ጸዋዕኩከ ። ከመዝ ፡ እዜ
 10 ምር ፡ ለሰምከ ፡ ለዓለም ። ከመ ፡ ተሀበኒ ፡ ተምኔትየ ፡ ኩሎ ፡ ዓሚረ ።
 ነጽር ፡ ላዕሌየ ፡ ወተሳሃለኒ ። ሀበ ፡ ኃይለ ፡ ለገብርከ ። ወአድግኖ ፡ ለወ
 ልደ ፡ እመትከ ፡ ግበር ፡ ምስሌየ ፡ ትእምርቶ ፡ ለሠናይ ። በአንተ ፡
 ስምከ ፡ ምርሐኒ ፡ ወሴስየኒ ። ኢትስሐባ ፡ ምስለ ፡ ኃጥአን ፡ ለነፍስየ ፡
 ለትኩን ፡ ምሕረትከ ፡ ላዕሌየ ። በከመ ፡ ላዕሌከ ፡ ተወክልኩ ። ዘይሰ
 15 ማዕ ፡ ግበር ፡ ሊተ ፡ ምሕረተከ ፡ በጽባሕ ። ዕቀበኒ ፡ ወአብጽግኒ ፡ ዲበ ፡
 ምድር ፡ ወኢታብግኒ ፡ ውስተ ፡ እደ ፡ ጸላእትየ ፡ አስምግኒ ፡ ትፍሥሕ
 ተ ፡ ወሐሜተ ፡ ወኢታስተሐፍረኒ ፡ እምተስፋየ ፡ እሙንቱሰ ፡ ይረግሙ ፡
 አንተ ፡ ባርከ ። ወያእምሩ ፡ ከመ ፡ እደከ ፡ ይአቲ¹ ፡ ዛቲ ። ዘንተ ፡ ወዘ
 ይመስሎ ፡ እዬሊ ፡ በኩሉ ፡ ልብየ ፡ መግልተ ፡ ወሌሊተ ።
 20 ክፍል ፡ ፲ ። ወጸሎትሰ ፡ ዘእዬሊ ፡ *ነግሀ ፡ ወሠርከ ፡ ከመዝ ፡ ው * 20 ሾ.
 አቱ ፡ እሰግድ ፡ ለከ ፡ አፈጣሬየ ፡ ወዓቃቢየ ፡ ወአፈቅረከ ፡ በኩሉ ፡ ልብየ ።
 ወአክኩተከ ፡ በአንተ ፡ ሠናያት ፡ ዘገበርከ ፡ ሊተ ፡ በዛቲ ፡ ሌሊት ፡ ወሰ
 ርከሰ ፡ አብል ፡ በዛቲ ፡ መግልት ፡ ዕቀበኒ ፡ ዓዲ ፡ በዛቲ ፡ መግልት ።
 ወሠርከሰ ፡ አብል ፡ በዛቲ ፡ ሌሊት ፡ አለብወኒ ፡ በዛቲ ፡ ዕለት ፡ ወበ
 25 ኩሉ ፡ መዋዕለ ፡ ሕይወትየ ፡ ከመ ፡ አእምር ፡ ፈቃደከ ፡ ላዕሌየ ፡ ወአፊ
 ጽሞ ፡ ወጎድግ ፡ ሊተ ፡ ኃግውእየ ፡ ሀበኒ ፡ ኩሎ ፡ ዓሚረ ፡ ዘየአክል ፡
 ለመፍቅዳተ ፡ ሕይወት ፡ ወአጽንግኒ ፡ ዘልፈ ፡ በተአምኖ ፡ ብከ ፡ ኦእግ
 ዚእየ ፡ በአንተ ፡ ኂሩትከ ፡ ወበአንተ ፡ ኃይልከ ፡ ወበአንተ ፡ ዕባየ ፡ ዚ
 አከ ፡ አድግነኒ ፡ እምንዴት ፡ ወእምእድ ፡ ወእምልሳነ ፡ ሰብእ ፡ ወእም
 30 ደዌ ፡ ሥጋ ፡ ወእምጎዘነ ፡ ነፍስ ። ወእምዝ ፡ እዬሊ ፡ በመዝሙር ፡ ዘፃ
 ኪያከ ፡ ተወክልኩ ። ወሐለይኩ ፡ ወእዜ ፡ ይደልወኒ ፡ እግበር ፡ ወእግሙ ፡
 በኩሉ ፡ ክሂሎትየ ፡ ለረኪበ ፡ ኩሎን ፡ መፍቅዳተ ፡ ሕይወትየ ፡ ወኢይ
 በቊግኒ ፡ ጸሎት ፡ ባሕቲቱ ። ዳዕሙ ፡ እስመ ፡ ኢየአምር ፡ ተግባረ ፡ እ
 በውዕ ፡ በኃይለ ፡ እግዚአብሔር ፡ ተግባርየሰ ፡ አንበለ ፡ በረከትከ ፡ እግ

¹ Vox sec. man. add. supra lineam.

* 21 ስፊ. ዚአ ፡ ኢይበቅዳኒ ፡ ወኢምን*ተኒ ። ወአንተ ፡ ባርኩ ፡ ለሕሊናየ ፡
 ወለተግባርየ ፡ ወለንብረትየ ፡ ወሀበኒ ፡ ንዋየ ፡ ወፍሥሐ ፡ በፍና ፡
 ዘአንተ ፡ ተአምር ፡ ወትፈቅድ ፡ ሚጥ ፡ ልበ ፡ ሰብእ ፡ እለ ፡ ሀለጢ ፡
 ምስሌየ ፡ ለገቢር ፡ ሠናየ ፡ ሊተ ፡ እስመ ፡ ኩሉ ፡ ይከውን ፡ በፈ
 ቃድክ ፡ ቡሩክ ፡ ወአሠኒ ፡ ሊተ ፡ አመ ፡ ርስዕየ ። ወአእመርኩ ፡ ከመ 5
 ልብኒ ፡ ዘልፈ ፡ ውስተ ፡ አደ ፡ እግዚአብሔር ። ወይትከሐሎ ፡ ለእግዚአ
 ብሔር ፡ ይረከየነ ፡ ብፁዓነ ፡ ወፍሥሐኒ ፤ ወለእመኒ ፡ ሀሎኒ ፡ ማእከለ ፡
 ምንዳቤ ፡ ወንድት ፡ ወሕማም ። ወዓዲ ፡ ይትከሐሎ ፡ ይረከየነ ፡ ሕሠራኒ ፡
 በማእከለ ፡ ብዕል ፡ ወኩሉ ፡ ፍግዓዝ ፡ ዓለም ። ወበአንተዝ ፡ ንሬኢ ፡ ኩ
 ሎ ፡ ዓሚረ ፡ ነዳያነ ፡ ወምንዱባነ ፡ እንዘ ፡ ይትዋነዩ ፡ በፍሥሐ ፡ ልበሙ ። 10
 ወብዑላንሰ ፡ ወነገሥት ፡ ይቴክዙ ፡ ወየኃሥሩ ፡ በማእከለ ፡ ብዕሎሙ ፡
 ወብዝኃ ፡ ፍትወቶሙ ፡ ወእንዘ ፡ ንሕነ ፡ ኢንፈቅድ ፡ ጎዘን ፡ ይሠርቅ ፡
 ውስተ ፡ ልብኒ ፡ እንበለ ፡ ናእምር ፡ ምክንያተ ፡ ሠፊቆቱ ። ወይደልወነ ፡
 ንጸሊ ፡ ጎበ ፡ እግዚአብሔር ፡ ከመ ፡ ያስምዓነ ፡ ትፍሥሕተ ፡ ወሐሜ
 ተ ፡ ወያብጽዓነ ፡ ዲበ ፡ ምድር ። እስመ ፡ እግዚአብሔር ፡ ያሠርቅ ፡ 15

* 21 ስፊ. * በርሀ ፡ ለጻድቃን ፡ ወለርቱዓነ ፡ ልብ ፡ ትፍሥሕተ ፡ ወውኣቱ ፡ የአም
 ር ፡ ወይመልክ ፡ ኩሎ ፡ ፍናወ ፡ ልብኒ ፡ ወይክል ፡ ይረከየነ ፡ ፍሥሐኒ ፡
 ውስተ ፡ ምንዳቤነ ፡ ወትኩዛነ ፡ ውስተ ፡ ሠናያቲኒ ። እስመ ፡ ፍሥሐ ፡
 ወጎዘን ፡ ኢይበጽሐኒ ፡ በከመ ፡ ይመስሎሙ ፡ ለሰብእ ፤ እላ ፡ በከመ ፡ ያሰ
 ምዓነ ፡ እግዚአብሔር ። ወእቤ ፡ አንተ ፡ እግዚአየ ፡ ወፈጣሪየ ፡ አስም 20
 ዓነ ፡ ትፍሥሕተ ፡ ወሐሜተ ፡ ወአብፅዓኒ ፡ እስከ ፡ አመ ፡ ሀሎኩ ፡ ዲበ ፡
 ምድር ። ወአምድጎረ ፡ ሞትየ ፡ ሰደኒ ፡ ጎቤክ ፡ ወአጽግበኒ ፡ እምኔክ ።
 ወነበርኩ ፡ እጼሊ ፡ ከመዝ ፡ መዓልተ ፡ ወሌሊተ ፡ ወአነክር ፡ ስነ ፡ ፍጥ
 ረታተ ፡ እግዚአብሔር ፡ በበሥርዓቶሙ ፡ እንከሳ ፡ ወአራዊተ ፡ ገዳም ።
 እሙንቱሰ ፡ በጠባይዓ ፡ ፍጥረቶሙ ፡ ይሰሐቡ ፡ ጎበ ፡ ዓቂበ ፡ ሕይወቶሙ ፡ 25
 ወአዝልፎ ፡ ዘርአሙ ። ወዓዲ ፡ ዕፀወ ፡ ገዳም ፡ ወሣዕር ፡ በዓቢይ ፡ ጥ
 በብ ፡ ዘተፈጥሩ ፡ ይበቅሉ ፡ ይለመልሙ ፡ ወይጸግዩ ፡ ወያወጽኑ ፡ ፍሬ ፡
 ዘርአሙ ፡ በበነገዶሙ ፡ እንበለ ፡ ስሕተት ፡ ወይመስሉ ፡ ዘበሙ ፡ ነፍስ ።
 ወዓዲ ፡ አድባርኒ ፡ ወቆላት ፡ አፍላግኒ ፡ ወአንቅዕተ ፡ ማያት ፡ ኩሉ ፡

* 22 ስፊ. ግ*ብርክ ፡ ይሴብሐ ፡ ለስምክ ፡ እግዚአ ፡ ወጥቀ ፡ ተሰብሐ ፡ ስምክ ፡ በ 30
 ኩሉ ፡ ምድር ፡ ወበሰማይኒ ፡ ጥቀ ፡ ዓቢይ ፡ ግብረ ፡ እደዊክ ፡ ዝንቱ ፡
 ፀሐይ ፡ ነቅዓ ፡ ብርሃን ፡ ወነቅዓ ፡ ሕይወተ ፡ ዓለም ፡ ወርኃኒ ፡ ወከዋ
 ክብተኒ ፡ ዘለሊክ ፡ ሣረርክ ፡ ዘኢይስሕቱ ፡ በፍናቶሙ ፡ ዘአንተ ፡ ሠራ
 ዕክ ፡ ሎሙ ፡ ወመኑ ፡ የአምር ፡ ጉልቆሙ ፡ ለከዋክብት ፡ ወርጎቀቶሙ ፡
 ወዕበዮሙ ፡ እንዘ ፡ ይመስሉኒ ፡ ደቂቀ ፡ በአንተ ፡ ርጎቀቶሙ ፡ ወደመ 35
 ናትኒ ፡ ዘያውጎዙ ፡ ማያተ ፡ አብጻልያነ ፡ ልምላሜ ። ኩሉ ፡ ዓቢይ ፡

ወመንክር ፡ ወክሉ ፡ በጥበብ ፡ ተፈጥረ ። ወነበርኩ ፡ ከመዝ ፡ ጀግመተ ፡
 እንዘ ፡ አነክር ፡ ወእሴብሐ ፡ ለፈጣሪ ። ወሐለይኩ ፡ ወእቤ ፡ ጥቀ ፡
 ሠናይ ፡ ግብረ ፡ እግዚአብሔር ፡ ወዕውቅ ፡ ሕሊናሁ ፡ ወዘኢይትነበብ ፡
 ጥበቢሁ ፡ ወእፎ ፡ እንከ ፡ ሰብእ ፡ ንዑስ ፡ ወምስኪን ፡ ይሔሱ ፡ ወይቤ ፡
 5 ተፈነውኩ ፡ እምኅበ ፡ እግዚአብሔር ፡ ከመ ፡ አክሥት ፡ ለሰብእ ፡ ጥበ
 በ ፡ ወጽድቆ ፡ ወኢይከሥት ፡ ለኒ ፡ እንበለ ፡ ከንቱ ፡ ወምናኔ ፡ ወዘግ
 ዕቱ ፡ ትሑት ፡ ጥቀ ፡ እምሕሊና ፡ በዘጸገወነ ፡ ፈጣሪነ ፡ ንለቡ ፡ ዕበዮ ፡
 ወእቤ ፡ አንሰ ፡ ነዳይ ፡ ወምስኪን ፡ አኒ ፡ በቅድሜክ ፡ እግዚ*ኦ ፡ አለ * 22 v°.
 ብወኒ ፡ ዘይደልወኒ ፡ አእምር ፡ በእንጉሉክከ ፡ ከመ ፡ አንክር ፡ ዕበዮ ፡
 10 ዚአክ ፡ ወእሰብሕክ ፡ ክሉ ፡ ግሚረ ፡ ስብሐተ ፡ ሐዲሷ ።
 ክፍል ፡ ፲ወ፩ ። ወበ፲፻ወ፳፻ወ፳ወ፳፻መት ፡ እምልደተ ፡ ክርስ
 ቶስ ፡ ሞተ ፡ ሱስንዮስ ፡ ንጉሥ ፡ ወነግሠ ፡ ወልዱ¹ ፡ ፋሲለደስ ፡ ህዩንቴሁ ፡
 ወውአቱሰ ፡ አፍቀሮሙ ፡ ቅድመ ፡ ለፍራንጅ ፡ በከመ ፡ አቡሁ ፡ ወባሕቱ ፡
 ኢሰደዶሙ ፡ ለግብጻውያን ፡ ወከነ ፡ ሰላም ፡ ውስተ ፡ ክሉ ፡ በሐውርተ ፡
 15 ኢትዮጵያ ። አሜሃ ፡ ወጻእኩ ፡ እምግብዩ ፡ ወሐርኩ ፡ ቅድመ ፡ በሐው
 ርተ ፡ አምሐራ ፡ ወድኅረ ፡ ግደውኩ ፡ ቤገምድር ፡ ወለክሉሙ ፡ ጸላኦት ፡
 ፍራንጅ ፡ መሰልክዎሙ ፡ ፩እመነከሳት ፡ ዘጉዩ ፡ በመዋዕለ ፡ ሱስንዮስ ።
 ወበእንተዝ ፡ አፍቀሩኒ ፡ ወወሀቡኒ ፡ መብልግ ፡ ወልብሰ ። ወእንዘ ፡ አሐ
 ውር ፡ ከመዝ ፡ እምሀገር ፡ እስክ ፡ ሀገር ፡ ኢፈቀድኩ ፡ እትመደጥ ፡
 20 ኅበ ፡ አክሱም ፡ እስመ ፡ አእመርኩ ፡ እከዮሙ ፡ ለካህናቲሃ ። ወተዘክር
 ኩ ፡ ከመ ፡ እምኅበ ፡ እግዚአብሔር² ፡ ይጸንዕ ፡ ሑረቱ ፡ ለሰብእ ። ወ
 እቤ ፡ ምርሐኒ ፡ እግዚአ ፡ ፍናተ ፡ እንተ ፡ ባቲ ፡ አሐውር ፡ ወብሔረ ፡
 እንተ ፡ ቦቱ ፡ እነብር ። ወሐለይኩ ፡ አዕዱ ፡ ወእንበር* ፡ ውስተ ፡ ም * 23 r°.
 ድረ ፡ ጉዣም ፡ ወባሕቱ ፡ እግዚአብሔር ፡ መርሐኒ ፡ ኅበ ፡ ኢሐለይኩ ።
 25 ወበ፩እመዋዕል ፡ በጻሕኩ ፡ ብሔረ ፡ እንፍራዝ ፡ ኅበ ፡ ፩ብእሲ ፡ ባዕል ፡
 ዘስሙ ፡ ሀብቱ ፡ ዘውአቱ ፡ ሀብተ ፡ እግዚአብሔር ፡ ወነበርኩ ፡ ህዩ ፡
 ፩ዕለተ ፡ ወበሣኒታ ፡ ሰአልኩ ፡ እምኔሁ ፡ ቀለመ ፡ ወሰሌዳ ፡ ከመ ፡
 እፈኑ ፡ ጦማረ ፡ ኅበ ፡ አዝማድዩ ፡ ዘበአክሱም ። ወዝንቱ ፡ ብእሲ ፡ ይቤ
 ለኒ ፡ ጸሐፊኑ ፡ አንተ ። ወእቤሎ ፡ እወ ፡ ጸሐፊ ፡ አኒ ፡ ወአውሥኦ ፡
 30 ወይቤለኒ ፡ ንበር ፡ ምስሌዩ ፡ ሕዳጠ ፡ መዋዕለ ፡ ወጸሐፍ ፡ ሊተ ፡ መዝ
 ሙረ ፡ ዳዊት ፡ ወአሁብክ ፡ ግስበክ ፡ ወእቤሎ ፡ አሆ ። ወውስተ ፡ ልብ
 ዩ ፡ አእኩትክዎ ፡ ለእግዚአብሔር ፡ ዘአርአዩኒ ፡ ፍና ፡ በዘእሴሰይ ፡
 ፍሬ ፡ ግማዩ ። እስመ ፡ ጸላኦኩ ፡ እትመደጥ ፡ ኅበ ፡ ሊቅናዩ ፡ ዘቀዲሙ ፡
 ወኢይፈቅድ ፡ እምሀር ፡ ሐሰተ ፡ ወለእመ ፡ እምሀር ፡ ጽድቀ ፡ ኢይሰም

¹ Ms. "ደ. — ² Vox sec. man. add. supra lineam.

ዑኒ ፣ ሰብኢ ፣ እንበለ ፣ ይጽልዑኒ ፣ ያስተዋድዳኒ ፣ ወይስድዳኒ ። ወኡ
 ንሰ ፣ አፈቅድ ፣ እንበር ፣ በሰላም ፣ ወበፍቅር ፣ ምስለ ፣ ኹሉ ፣ ሰብኢ ፣
 23 ም. ወአበድር ፣ ፍሬ ፣ ማሃየ ፣ አሴሰይ ፣ ወእትገደፍ ፣ በኅበ ፣ ሰብኢ ፣ * ወ
 እንበር ፣ ኅቡኦ ፣ በጥበብ ፣ እንተ ፣ አለበወኒ ፣ እግዚአብሔር ፣ እምእ
 ንበር ፣ ክቡረ ፣ ውስተ ፣ ቤተ ፣ ኃዋኦን ። ወበኅዳዋ ፣ መዋዕል ፣ አስተዳለ 5
 ውኩ ፣ ቀለመ ፣ ወሰሌዳ ፣ ወጸሐፍኩ ፣ ጅደ ፣ መጽሐፈ ፣ ዘመዝሙረ ፣ ዳዊ
 ት ፣ ወእግዚእ ፣ ሀብቱ ፣ ወኹሎሙ ፣ አለ ፣ ርእይዋ ፣ ለጽሕፈትየ ፣ አን
 ከሩ ፣ እስመ ፣ ሠናይት ፣ ይኦቲ ። ወእግዚእ ፣ ሀብቱ ፣ ወሀበኒ ፣ ሃስ
 ብየ ፣ ጅሠናየ ፣ ልብሰ ፣ ወእምዝ ፣ ወልዱ ፣ ለውኦቱ ፣ ሀብቱ ፣ ዘስሙ ፣
 ወልደ ፣ ሚካኤል ፣ ይቤለኒ ፣ ጸሐፍ ፣ ሊተኒ ፣ በከመ ፣ ጸሐፍክ ፣ ለአ 10
 ቡየ ፣ ወጸሐፍኩ ፣ ወወሀበኒ ፣ ጅላሀመ ፣ ወጀአጣሌ ። ወእምድኅረዝ ፣
 ብዙኃን ፣ መጽኡ ፣ ኅቤየ ፣ ወአጽሐፉ ፣ መጽሐፈ ፣ ዳዊት ፣ ወካልአነ ፣
 መጻሕፍተ ፣ ወጦማራተ ፣ እስመ ፣ እንበሌየ ፣ አልቦ ፣ ካልእ ፣ ጸሐፊ ፣ ው
 ስተ ፣ ዝንቱ ፣ ብሔር ፣ ወወሀቡኒ ፣ አልባሰ ፣ ወአጣሌ ፣ ወዴወ ፣ ወእክለ ፣
 ወዘይመስሎ ፣ ለዝንቱ ። ወለእግዚእ ፣ ሀብቱ ፣ ቡቱ ፣ ጀደቂቅ ፣ ሕፃናት ፣ 15
 ወስሙ ፣ ለጅወልደ ፣ ገብርኤል ፣ ዘተሰምየ ፣ ተሰማ ፣ ወስሙ ፣ ለካልኡ ፣
 24 ም. ወልደ ፣ ሕይወት ፣ ዘተሰምየ ፣ ምትኩ ፣ ወአቡሆሙ ፣ ሀብ*ቱ ፣ ይቤ
 ለኒ ፣ መሀሮሙ ፣ በንባብ ፣ ዳዊት ፣ ወአንሰ ፣ እሁበክ ፣ ሃስበክ ፣ ሲሳየ ፣
 ዘየአክለክ ፣ ወዘሰ ፣ ኃጠፊ ፣ በጽሕፈተ ፣ እደክ ፣ ይከውን ፣ ለክ ። ወእ
 ቤሎ ፣ ኦሆ ፣ ኦአቡየ ፣ ኹሎ ፣ ዘአዘዝከኒ ፣ እገብር ። ወባሕቱ ፣ ኩነኒ ፣ 20
 ሀየንተ ፣ አቡየ ፣ ወእምየ ፣ ወአዝማድየ ፣ እስመ ፣ እንበሌክ ፣ አልብየ ፣
 ዘመድ ።

ክፍል ፣ ፲፪ ። ወአኦመርኩ ፣ ከመ ፣ ኢይደልዎ ፣ ለብኦሲ ፣ ይንበር ፣
 ባሕቲቶ ፣ አንዘ ፣ አልቡቱ ፣ ብእሲት ፣ እስመ ፣ ዝንቱ ፣ ፍና ፣ ይስሕብ ፣
 ኅበ ፣ አበሳ ። ወኢይደልዎሙ ፣ ለሰብኢ ፣ ይንበሩ ፣ በዘኢኮነ ፣ ፍጥረ 25
 ቶሙ ፣ ከመ ፣ ኢይሠገሩ ፣ በውዴቶሙ ፣ ዘገብሩ ፣ በከመ ፣ ተብህለ ፣ ለቀ
 ደምት ፣ ኢይሜኒ ፣ ይንበር ፣ ብኦሲ ፣ ባሕቲቱ ። እስመ ፣ ይትፈቀድ ፣
 ሎቱ ፣ ብእሲት ። ወእቤሎ ፣ ለእግዚእ ፣ ሀብቱ ፣ ኢኮንኩ ፣ መነከሰ ፣
 አላ ፣ ተመሰልኩ ፣ በእንተ ፣ ዘመነ ፣ ሃፀባ ። ወሀለወት ፣ ኦሐቲ ፣ ወለ
 ት ፣ ነባፊቱ ፣ ለእግዚእ ፣ ዘስማ ፣ ኂሩት ፣ አክ ፣ ላሀይት ፣ አላ ፣ ሠና 30
 ይተ ፣ ምግባር ፣ ወለባዊት ፣ ወተዓጋሚት ፣ ወእቤሎ ፣ ለእግዚእ ፣ ሀብቱ ፣
 ሀበኒ ፣ ዛተ ፣ ወለተ ፣ ትኩነኒ ፣ ብእሲተ ፣ ወእግዚእ ፣ ሀብቱ ፣ ይቤለኒ ፣
 24 ም. ኦሆ ፣ እምይእዜ ፣ ኢትኩን ፣ አመ*ትየ ፣ አላ ፣ አመትክ ፣ ወእቤሎ ፣
 አክ ፣ አመትየ ፣ እንበለ ፣ ትኩነኒ ፣ ብእሲተ ፣ እስመ ፣ ብኦሲ ፣ ወብ
 ኦሲት ፣ ዕሩዖን ፣ አሙንቱ ፣ በአውስቦ ፣ ወኢይደልወነ ፣ ንበሎሙ ፣ እግ 35
 ዚእ ፣ ወአመተ ፣ እስመ ፣ ጅሥጋ ፣ ወጅንብረት ፣ አሙንቱ ። ወእግዚእ ፣

ሀብቱ ፡ ይቤለኒ ፡ አንተሰ ፡ ብእሴ ፡ እግዚአብሔር ፡ አንተ ፡ ግበር ፡ በከ
 መ ፡ ፈቀድክ ። ወጸዋዕናሃ ፡ ለይእቲ ፡ ወለት ፡ ወአነ ፡ አቤላ ፡ ትሠም
 ሪኑ ፡ ትኩንኒ ፡ ብእሴትየ ። ወትቤለኒ ፡ በከመ ፡ ፈቃዱ ፡ ለእግዚእየ ፤
 ወእግዚእ ፡ ሀብቱ ፡ ይቤላ ፡ አንሰ ፡ እፈቅድ ። ወይእቲሰ ፡ ትቤለኒ ፡
 5 ሠናይ ፡ ሊተ ፡ ወአይቴ ፡ እረከብ ፡ ዘይኔይሰኒ ፡ እምኔክ ። ወንቤሎ ፡
 ለእግዚእ ፡ ሀብቱ ፡ ባርከነ ፡ እኡቡነ ። ወይቤ ፡ እግዚአብሔር ፡ ይባርክ
 ሙ ፡ ወይዕቀብክሙ ፡ ወየሀብክሙ ፡ ጥዲና ፡ ወፍቅረ ፡ ለነዋሳ ፡ መዋ
 ዕል ፡ ወየሀብክሙ ፡ ውሉደ ፡ ምስለ ፡ ጥሬተ ፡ ዝንቱ ፡ ዓለም ፡ ወያር
 ኅቅ ፡ እኩየ ፡ ነገረ ፡ እምኔክሙ ። ወንቤ ፡ አሜን ፡ ወአሜን ። ወይ
 10 እቲ ፡ ኂሩት ፡ ክነት ፡ ብእሴትየ ፡ ወአፍቀረተኒ ፡ ጥቀ ፡ ወተፈሥሐት ፡
 ፍሥሐ ፡ ብኩቃ ፡ እስመ ፡ ነበረት ፡ ቅድመ ፡ ምንንተ ፡ ውስተ ፡ ቤተ ፡
 ሀብቱ ፡ ወሰብአ ፡ ቤቱ ፡ አሕመምዋ ፡ ዘልፈ ። ወበ*አንተ ፡ ዘአፍቀረ * 25 ለ.
 ተኒ ፡ እነ ፡ አንበርኩ ፡ ውስተ ፡ ልብየ ፡ ከመ ፡ አሥምሬ ፡ በኩሉ ፡ ክሂ
 ሎትየ ፡ ወአሐዝብ ፡ ዘአልቦ ፡ ካልእ ፡ አውስቦ ፡ ዘጸንፃ ፡ በፍቅር ፡ ወዘ
 15 ተባርክ ፡ እምእግዚአብሔር ፡ በከመ ፡ አውስቦ ፡ ዚእነ ። ወብየሰ ፡ ጀአ
 ውቅዶተ ፡ ወርቅ ፡ ዘተርፈ ፡ ሊተ ፡ እምዘነሣእኩ ፡ ምስሎየ ፡ አመ ፡ ጐየ
 ይኩ ፡ እምአክሱም ። ወበጽሕፈተ ፡ እዴየ ፡ አጥረይኩ ፡ አልሀምተ ፡
 ወአጣሴ ፡ ወአልባሰ ። ወሐነጽኩ ፡ ቤተ ፡ ንዑሰ ፡ ውስተ ፡ አግዋሩ ፡
 ለእግዚእ ፡ ሀብቱ ፡ ወነበርኩ ፡ ህየ ፡ ምስለ ፡ ብእሴትየ ፡ በፍቅር ፡ ወይእ
 20 ቲሰ ፡ ትፈትል ፡ መዓልተ ፡ ወሌሊተ ፡ ወአነ ፡ እጽሕፍ ፡ ወአሜህሮሙ ፡
 ለውሉደ ፡ ሀብቱ ፡ ወለካልአን ፡ ሕፃናት ፡ ዘሀለጢ ፡ ህየ ፡ ወእግ
 ዚእ ፡ ሀብቱሰ ፡ ይሁበኒ ፡ ጀቀሠተ ፡ ጠይፍ ፡ በበወርኅ ፡ በእንተ ፡ ዘአሜ
 ህሮሙ ፡ ለውሉዱ ። ወነበርኩ ፡ ከመዝ ፡ ምስለ ፡ ብእሴትየ ፡ በፍቅር ፡
 ወበሠናይ ፡ ንብረት ፡ ፪፻መተ ፡ ወኢወለደት ፡ ሊተ ፡ ወልደ ፡ ወእ
 25 ምዝ ፡ ፀንሰት ፡ ወወለደት ፡ ወልደ ፡ አመ ፡ ፲፩ለጥቅምት ፡ በዕለተ ፡ ሰኑ
 ይ ፡ እምልደተ ፡ ክርስቶስ ፡ ፲፯ወጺ፻ወጃወ፩ ፡ ወተፈሣሕነ ፡ በወል
 ድነ ። ወሰመይክም ፡ በከመ ፡ አቡየ ፡ በጸጋ ፡ ሀብተ ፡ * እግዚአብሔር ። * 25 ህ.
 ወእምድኅረ ፡ ፫፻መት ፡ አቡነ ፡ አፎንስ ፡ ሖረ ፡ ብሔር ፡ ወተለፃሉ ፡
 ኩሎሙ ፡ ጸላእቱ ፡ ወፍቁራኒሁሰ ፡ ተሰዱ ፡ ምስሌሁ ፡ ወውእተ ፡ ጊዜ ፡
 30 ውስተ ፡ ኩሉ ፡ በሐውርት ፡ ተሐሠ ፡ መምህራን ፡ ዘይሜህሩ ፡ ወያጸ
 ንዑ ፡ ትምህርተ ፡ ዘትካት ፡ ወአዝማድየ ፡ ዘበአክሱም ፡ ሐሠሠኒ ፡
 ከመ ፡ አትመየጥ ፡ ኅበ ፡ ሊቅናየ ፡ ወእምህር ፡ መጻሕፍተ ፡ ውስተ ፡
 አክሱም ፡ በከመ ፡ ቀዲሙ ፡ እስመ ፡ መሰልክምሙ ፡ ለሰብእ ፡ ዘጐየ
 ይኩ ፡ ፈሪህየ ፡ ስደተ ፡ ዘከነ ፡ በእንተ ፡ አቡነ ፡ አፎንስ ፡ ወፈነጢ ፡ ሊተ ፡
 35 አንዝ ፡ ይብሉ ፡ ተመየጥ ፡ ኅቤነ ፡ እስመ ፡ ጠፍኩ ፡ ጸላእትክ ፡ ወፍቁራ
 ኒክሰ ፡ ድኅኑ ፡ ወአውሣእኩ ፡ ወእቤሎሙ ፡ አልብየ ፡ ጸላዲ ፡ ወአልብየ ፡

ፍቁር ፣ እንበለ ፣ ዝንቱ ፣ ብእሴ ፣ እግዚአብሔር ፣ እግዚአብሔር ፣ ሀብቱ ፣
 ወውሉዱ ፣ ወብእሴትየ ፣ ወኢየኃድጎሙ ፣ ለግሙራ ፣ አንትሙሰ ፣ ንበ
 ሩ ፣ በሰላም ። ወሊተ ፣ ኢይከውኔኒ ፣ እትመየጥ ፣ ጎቤከሙ ። ወዝንቱ ፣
 መድልው ፣ ፀርየ ፣ ወልደ ፣ ዮሐንስ ፣ ዘአስተዋደየኒ ፣ ቅድመ ፣ ጎበ ፣ ንጉ
 ሥ ፣ ሱስንዮስ ፣ እምድጎረ ፣ ሖረ ፣ አቡነ ፣ አፎንስ ፣ ተመይጠ ፣ ጎበ ፣ 5
 26 ሞ. ሃይማኖተ ፣ ግብጻውያን ። ወባሕቱ ፣ አልቦቱ ፣ ሃይማኖት ፣ እንበለ ፣
 ዘይኔይሰ ፣ ለጊዜሁ ። ወበብዝህ ፣ ጽልሑቱ ፣ ሖረ ፣ ወከነ ፣ ፍቁር ፣
 ለንጉሥ ፣ ፋሲለደስ ፣ አስመ ፣ ነገሥት ፣ ያፈቅሩ ፣ ጽልሕዋነ ፣ ወመድል
 ዋነ ፣ ወሰሚዖ ፣ ወልደ ፣ ዮሐንስ ፣ ከመ ፣ አነ ፣ ሀሎኩ ፣ በሰላም ፣ ውስ
 ተ ፣ ብሔረ ፣ እንፍራዝ ፣ አጎዘ ፣ ያስተዋደየኒ ፣ ካዕበ ፣ እንዘ ፣ ይብል ፣ መ 10
 ምህረ ፣ ፍራንጅ ፣ ውኣቱ ፣ ዘይሜህር ፣ በጎቡዕ ፣ ትምህርተ ፣ ፍራን
 ጅ ፣ ወነገር ፣ ዘንተ ፣ ለሥዩመ ፣ እንፍራዝ ። ወአንሰ ፣ ተከዝኩ ፣ ጥቀ ፣
 በአንተ ፣ ጽልሑቱ ፣ አስመ ፣ ቅድመ ፣ ይቤ ፣ በእንቲአየ ፣ ፀሮሙ ፣ ለፍ
 ራንጅ ፣ ውኣቱ ፣ ወድጎረ ፣ ይቤ ፣ ፍቁርሙ ፣ ውኣቱ ። ወበጎዘነ ፣ ል
 ብየ ፣ አቤ ፣ ይሠርዎን ፣ እግዚአብሔር ፣ ለከናፍረ ፣ ጉሀሉት ፣ ወጸለ 15
 ይኩ ፣ ብዙኃ ፣ መዋዕለ ፣ በመዝሙር ፣ ዘጃወጃግፍዖሙ ፣ ወዘጀወጅእግዚአ
 ኢትጸመመኒ ፣ ወእግዚአብሔር ፣ ሰምዓነ ፣ አስመ ፣ ዝኩ ፣ ብእሴ ፣ ተሠ
 ይመ ፣ ላዕለ ፣ ብዙኃት ፣ አድባራተ ፣ ደምብያ ፣ ወሰብኡ ፣ ጸልዕዎ ፣ ወቀ
 ተልዎ ፣ ወተረክበ ፣ በድኑ ፣ ውስተ ፣ ቤቱ ፣ ወኢተረክበ ፣ ቀታሊሁ ፣
 ወኒኪር ፣ አጎዘ ፣ ሢመቶ ፣ ወንዋዮ ። 20

ክፍል ፣ ፲፫ ። ወበ፲፪ወጃጀወጃግመት ፣ እምልደተ ፣ ክርስ
 26 ሞ. ቶስ ፣ ከነ ፣ ረኃብ ፣ ዓቢይ ፣ ውስተ ፣ *ኩሉ ፣ በሐውርተ ፣ ኢትዮጵያ ፣ ወ
 ጸንዓ ፣ መቅሠፍት ፣ በእንተ ፣ ኃጣውኦ ፣ ሕዝብነ ፣ ወበእንተ ፣ ኃጢአ ፣
 ፍቅረ ፣ ቢጽ ፣ አስመ ፣ አለ ፣ ተወክፋ ፣ ሃይማኖተ ፣ ንጉሥ ፣ ሱስንዮስ ፣
 ወአቡነ ፣ አፎንስ ፣ ሰደዱ ፣ ቅድመ ፣ ወቀተሉ ፣ አኃዊሆሙ ፣ አለ ፣ ኢተ 25
 ወክፋ ፣ ሃይማኖቶሙ ፣ ወአለ ፣ ተሰዱሰ ፣ ፈደዮሙ ፣ ድጎረ ፣ ለአጽራፊ
 ሆሙ ፣ ምስብዒተ ፣ ወቀተሉ ፣ ብዙኃነ ፣ ወበኩሎሙ ፣ ተግውቀ ፣ ክሠተ ፣
 ከመ ፣ አልቦ ፣ ፈፊሃ ፣ እግዚአብሔር ፣ ቅድመ ፣ አዕይንቲሆሙ ፣ ወኢያእ
 መርዋ ፣ ለፍኖተ ፣ ሰላም ። ወበከንቱ ፣ ተብሀሉ ፣ ክርስቲያነ ፣ አስመ ፣
 ኢየሱስ ፣ ክርስቶስ ፣ እምቅድመ ፣ ኩሉ ፣ ወላዕለ ፣ ኩሉ ፣ ይኤዝዘሙ ፣ ለክ 30
 ርስቲያን ፣ ፍቅረ ፣ በበይናቲሆሙ ። ወዝንቱ ፣ ተፋቅሮስ ፣ ጠፍአ ፣ ፍ
 ጹመ ፣ ማእከለ ፣ አለ ፣ ተብሀሉ ፣ ክርስቲያነ ፣ ወኩሎሙ ፣ ይኤብሉ ፣ በአ
 ኃዊሆሙ ፣ ወይትዎኃሙ ፣ በበይናቲሆሙ ፣ ከመ ፣ ብልጎተ ፣ እክል ።
 ወፋሲለደስ ፣ ወጠነ ፣ ይንግሥ ፣ በሠናይ ፣ ምክር ፣ ወበጥበብ ፣ ወባሕቱ ፣



1 Vox add. supra lineam.

ኢጸገግ፣ በሠናይ፣ አላ፣ ኮነ፣ ንጉሠ፣ ዓማጪ፣ ወእንግ፣ በዓመግሁ፣ ወበክ
 5 ዲወ፣ ደም፣ ወለፍራንጅኒ፣ ዘገብሩ፣ ሎቱ፣ ሠናየ፣ ወሐኑ፣ * ሎቱ፣ 27 ሾ.
 ማኅፈዳተ፣ ወአብያተ፣ ሠናያተ፣ ወአሠነዩ፣ መንግሥቶ፣ በዙሉ፣
 ግብረ፣ ጥበብ፣ ጸልዎሙ፣ ወሰደዶሙ፣ ወፈደዮሙ፣ አኪተ፣ ህየንተ፣ ሠና
 15 ይት፣ ወውአቱ፣ ፋሲለደስ፣ ኮነ፣ ገባሬ፣ አከይ፣ በዙሉ፣ ወቀተለ፣ ሰ
 ብአ፣ እንበለ፣ ፍትሕ፣ ወአብዝኃ፣ ዝሙተ፣ ወቀተሎን፣ ለአንስት፣ እም
 ድኅረ፣ ዘመወ፣ ምስሌሆን፣ ወፈነወ፣ ሠራዊቶ፣ ገበርተ፣ ዓመግ፣ ወ
 ሄዱ፣ በሐውርተ፣ ወአብያተ፣ ነዳያን ። እስመ፣ አግቢአብሔር፣ ወሀ
 20 በሙ፣ ለሕዝብ፣ አኩያን፣ ንጉሠ፣ አኩየ ። ወበአንተ፣ ኃሚአተ፣ ንጉሥ፣
 ወሕዝብ፣ መጽአ፣ መቅሠፍተ፣ ረኃብ ። ወእምድኅረ፣ ረኃብ፣ ኮነ፣ ብድ
 ብድ፣ ወብዙኃን፣ ሞቱ፣ ወካልአን፣ ፈርሁ፣ ወአስ፣ ለድኒን ። እስ
 መ፣ ጸንፎ፣ በዕበዶሙ፣ ወበጽልዎሙ፣ ወመንፈቆሙ፣ ይቤሉ፣ በአንተ፣
 ዘሰደድክም፣ ለአቡነ፣ አፎንስ፣ መጽአ፣ መቅሠፍተ፣ አግቢአብሔር፣
 15 ላዕሌነ፣ ወካልአን፣ ይቤሉ፣ በአንተ፣ ዘከህድክም፣ ቅድመ፣ ለሃይማ
 ኖት፣ ርትዕት፣ ወአርኩስክም፣ ለቤተ፣ ክርስቲያን፣ በአንተዝ፣ መጽአ፣
 መቅሠፍት፣ ወተናፈቁ፣ በበይናቲሆሙ፣ ወተበዓሉ፣ ወኢያእመሩ፣ ከ
 መ፣ ይደልዎሙ፣ መቅሠፍት፣ በአንተ፣ ዘነሠቱ፣ ፍቅረ፣ ቢጽ፣ ወተዓ
 * ደጂ፣ ሥርዓተ፣ ጽድቅ፣ ዘአግቢአብሔር፣ ዘሠርዓ፣ ለተላ፣ ፍጥረት፣ 27 ሾ.
 በአንተ፣ ሥርዓተ፣ ሰብአ፣ ወሠዓሩ፣ ሕገ፣ ጠባይዓዊተ፣ በአንተ፣ ሕገ
 20 ኃተ፣ ሰብአ፣ ዘከመዝ፣ አው፣ ከመዝ፣ ሃይማኖት ። ወሠናየ፣ ይቤሉ፣
 በአንቲአሆሙ፣ ኢሳይያስ፣ ወወንጌል፣ ዝሕዝብ፣ በአፋሆሙ፣ ያከብሩኒ፣
 ወበልበሙሰ፣ ነዋኃ፣ ይርኅቁ፣ እምኔየ፣ ወከንቶ፣ ያመልኩኒ፣ እንዘ፣ ይ
 ሜህሩ፣ ትምህርተ፣ ሥርዓታተ፣ ሰብአ ። ወካዕበ፣ ዮሐንስ፣ ይቤ፣ ዘሰ፣
 ይብል፣ ውስተ፣ ብርሃን፣ ሀሎኩ፣ ወይጸልአ፣ ለቢጽ፣ ሐሳዊ፣ ውአቱ፣
 25 ወውስተ፣ ጽልመት፣ ሀሎ፣ አስከ፣ ዮም፣ ወዘሰ፣ ያፈቅር፣ ቢጸ፣ ውስ
 ቱ፣ ብርሃን፣ ይነብር፣ ወአልበ፣ ዕቅፍት፣ በኅቤሁ ። ወዘሰ፣ ይጸልዕ፣
 ቢጸ፣ ውስተ፣ ጽልመት፣ የሐውር፣ ወኢየአምር፣ ኅበ፣ የሐውር፣ እስ
 መ፣ ጽልመት፣ አዖሮ፣ አዕይንቲሁ፣ ወዝንቱ፣ ትንቢት፣ ተፈጸመ፣ በሰ
 ብአ፣ ብሔርነ፣ ወኢየአምሩ፣ ኅበ፣ የሐውሩ፣ ወይትበአሱ፣ በአንተ፣
 30 ሃይማኖታቲሆሙ፣ እስመ፣ ኢየአምሩ፣ ዘየአምኑ፣ ወውስተ፣ ጽልመት፣
 ይነብሩ ። ወንሕነሰ፣ እምድኅረ፣ ኅልቀ፣ ወርቅነ፣ አመ፣ ረኃብ፣ ሜጥነ፣
 * አልሀምቲነ፣ ወአልባሲነ፣ ወከብሐት፣ ለአግቢአብሔር፣ ኢርኅብነ፣ በከ 28 ሾ.
 መ፣ ካልአን፣ ዳዕሙ፣ በላዕነ፣ ወአብላዕነ፣ ርኑባነ፣ ወሕሙማነ፣ ጀዓመ
 ቱ፣ ዘኮነ፣ ረኃብ፣ ወብድብድ፣ ወኢሐመምነ፣ ወተፈጸመ፣ ብነ፣ ዘይቤ፣
 35 ኢይትኃፈሩ፣ በመዋዕል፣ አኩያት፣ ወይጸግቡ፣ በመዋዕል፣ ረኃብ፣ ወአእ
 ኩትናሁ፣ ለአግቢአብሔር፣ ዘገብረ፣ ለነ፣ ሠናያተ፣ ዘአልበ፣ ጉልቋ ።

ክፍል ፡ ፲፬ ። ወድኅረ ፡ ፩፻፵፱ ፡ ሞተ ፡ አግዚአ ፡ ሀብቱ ፡ ወተ
 ከዝነ ፡ ጥቀ ፡ ወለሀውናሁ ፡ ፃቢየ ፡ ላሀ ፡ ወውእቱሰ ፡ እንበለ ፡ ይሙት ፡
 ጸውዓነ ፡ ወይቤለነ ፡ ናሁ ፡ አነ ፡ እመውት ፡ ወእግዚአብሔር ፡ ይዕቀብ
 ከሙ ፡ ወይባርከሙ ፡ ወአንተሰ ፡ ኩን ፡ አቡሆሙ ፡ ለውሉድየ ። ወወሀበኒ ፡
 ፪አባዕረ ፡ ወ፪በቅለ ። ወለብእሲትየሰ ፡ ወሀባ ፡ ፪አልሀምተ ፡ ምስለ ፡ እጐ 5
 ሊሆን ፡ ወይቤለነ ፡ ጸልዩ ፡ በአንተ ፡ ነፍሰየ ። ወሞተ ፡ በሰላሙ ፡ አግዚ
 አብሔር ። ወውእቱ ፡ ያዕርፍ ፡ ነፍሶ ፡ ቡርክተ ፡ ወቀበርናሁ ፡ በዓቢይ ፡
 ከብር ፡ ወወልዱ ፡ ዘበክር ፡ ዘሰሙ ፡ ወልደ ፡ ሚካኤል ፡ አፍቀረኒ ፡ በከ
 * 28 ም. ሙ ፡ አቡሁ ፡ ወይሰምዕ ፡ ምክርየ ፡ ወሎቱ ፡ ብእሲት ፡ ዘሰማ ፡ * ወለተ ፡
 ጴጥሮስ ፡ ወተሰምየት ፡ ፈንታየ ፡ ወክብርት ፡ ይአቲ ፡ ወሱተ ፡ ከቡራነ ፡ 10
 ብሔር ፡ ወሠናይተ ፡ ምግባር ፡ ወምልዕተ ፡ ፍቅረ ፡ ቢጽ ፡ ወትሕትና ፡ ወ
 ታፈቅረኒ ፡ በከሙ ፡ እም ፡ ታፈቅር ፡ ወሎዳ ። ወ፪ውሎደ ፡ ሀብቱ ፡ ተሰ
 ማ ፡ ወምትኩ ፡ ልሀቁ ፡ ወአእመሩ ፡ ንባበ ፡ ዳዊት ፡ ወምትኩ ፡ አእመረ ፡
 ዓዲ ፡ ጽሕፈተ ፡ ወሰዋሰወ ፡ ወመጻሕፍተ ፡ ወኅብረ ፡ ምስሌየ ፡ በአእ
 ምሮ ፡ ወበጽኑዕ ፡ ፍቅር ፡ ወውእቱ ፡ የአምር ፡ ክሎ ፡ ምስጢርየ ፡ ወአ 15
 ልበ ፡ ዘኅባዕዕኩ ፡ ሎቱ ። ወበአንተ ፡ ፍቅረ ፡ ዚአሁ ፡ ጸሐፍኩ ፡ ዘንተ ፡
 ንከቲተ ፡ አምድኅረ ፡ ሰአለኒ ፡ ብኩታ ፡ ጊዜ ።

ክፍል ፡ ፲፭ ። ወወልድየሰ ፡ ልሀቀ ፡ ወከነ ፡ ወሬዛ ፡ ልሁየ ፡ ወሶ
 በ ፡ ከነ ፡ ዕድሜሁ ፡ መጠነ ፡ ፳¹ ፻፵፱ ፡ አእመርኩ ፡ ከሙ ፡ ወውእቱ ፡ ይኤ
 ብስ ፡ በኢያእምሮ ፡ አበሳ ፡ እንተ ፡ ትኤምር ፡ ኅበ ፡ መፍቅደ ፡ አውሰበ ፡ 20
 ወገሠጽከም ፡ ብኩታ ፡ ወእቤሎ ፡ ዝግብርሰ ፡ ኢይደሉ ፡ እስሙ ፡ ይነስት ፡
 ሥርዓተ ፡ ዘሠርዓ ፡ ለነ ፡ ፈጣሬ ። ወባሕቱ ፡ አውሰብ ፡ ብእሲተ ፡ ወንበ
 * 29 ም. ሮ ፡ በሥርዓተ ፡ ፍጥረትነ ። ወይቤለኒ ፡ * አሆ ፡ ሀበኒ ፡ ብእሲተ ። ወታ
 ሠሥኩ ፡ ወረከብኩ ፡ ወለተ ፡ ሠናይተ ፡ ዘሰማ ፡ መድታኒት ፡ ወወለቱ ፡
 ለርእሰ ፡ ናሎተ ፡ አልሀምት ፡ ይአቲ ፡ ዘእምብሔረ ፡ ላምጌ ። ወወልድየ ፡ 25
 ሠምረ ፡ ባቲ ፡ ወአቡሃ ፡ ወሀባ ፡ ፲ወጅአልሀምተ ፡ ወአልባሰ ፡ ወከነቶ ፡
 ብእሲተ ፡ ለወልድየ ፡ ወነበርነ ፡ ኅቡረ ፡ በፍቅር ። ወድኅረ ፡ ፪፻፵፱ ፡
 ወለደት ፡ ወልደ ፡ ወሰመይክም ፡ ይትባረክ ፡ ይትባረክ ፡ አግዚአብሔር ፡
 ብሂልየ ፡ ወዓዲ ፡ ወለደት ፡ ወልደ ፡ ወሰመይክም ፡ ደስታየ ። ወወለደት ፡
 ዓዲ ፡ ወለተ ፡ ወሰመይክም ፡ ዕሜትየ ፡ ወእሴብሐ ፡ ለአግዚአብሔር ፡ ዘአ 30
 ጽገበኒ ፡ እምክሎ ፡ ሠናይቲሁ ። ወአንሰ ፡ ነበርኩ ፡ ምስለ ፡ ሰብእ ፡ እንዘ ፡
 አመስሎሙ ፡ ክርቲያናዌ ። ወባሕቱ ፡ ወሱተ ፡ ልብየ ፡ ኢየአምን ፡ እን
 በለ ፡ በአግዚአብሔር ፡ ፈጣሬ ፡ ክሎ ፡ ወዓቃቤ ፡ ክሎ ፡ በከሙ ፡ ወውእቱ ፡
 አለበወኒ ። ወሐለይኩ ፡ ወእቤ ፡ ይከውነኒኩ ፡ አበሳ ፡ በኅበ ፡ አግዚአ

¹ Ms. ፩.

ብሔር ፡ እስመ ፡ እትመሰል ፡ ዘኢከንኩ ፡ አማኔ ፡ ወከመዝ ፡ አጎይጠው ፡
 ለሰብእ ፡ ወእቤ ፡ ሰብእሰ ፡ ይፈቅዱ ፡ ከመ ፡ ይኒጥምው ፡ ወለእመ ፡
 ከሠትኩ ፡ ሎው ፡ ጽድቅ ፡ ኢይሰምዑኒ ፡ *እንበለ ፡ ይጽርፉኒ ፡ ወይስድ * 29 ሃ°.
 5 ኃጉል ፡ ወበእንተዝ ፡ እነብር ፡ በኅበ ፡ ሰብእ ፡ ከዊንዩ ፡ ከማሆው ፡ ወሀ
 ሎኩ ፡ በኅበ ፡ እግዚአብሔር ፡ በከመ ፡ ውኣቱ ፡ አለበወኒ ፡ ወከመሰ ፡
 እለ ፡ ይመጽኡ ፡ ድኅሬዩ ፡ ያእምሩኒ ፡ ፈቀድኩ ፡ እጽሐፍ ፡ ዘንተ ፡ ዘእ
 ኅብእ ፡ በኅበዩ ፡ እስከ ፡ ሞትዩ ፡ ወእመሰ ፡ እምድኅረ ፡ ሞትዩ ፡ ይትረ
 ከብ ፡ ለባዊ ፡ ብእሲ ፡ ወሐታቲ ፡ እስእሎ ፡ ከመ ፡ ይወስከ ፡ ሕሊናሁ ፡
 10 ዲበ ፡ ሕሊናዩ ፡ ናሁ ፡ ወጠንኩ ፡ ኣነ ፡ ሐቲትዩ ፡ ዘኢተሐተተ ፡ ቅድ
 መዝ ፡ ወአንተ ፡ ፈጽሞ ፡ ዘወጠንኩ ፡ ኣነ ፡ ከመ ፡ ሰብእ ፡ ብሔርነ ፡ ይጥ
 ብሱ ፡ በረድኤተ ፡ እግዚአብሔር ፡ ወይበጽሑ ፡ ኅበ ፡ አእምሮ ፡ ጽድቅ ፡
 ወከመ ፡ ኢይትእመንዋ ፡ ለሐሰት ፡ ወኢይሰፈውዋ ፡ ለዓመፃ ፡ ወኢይ
 ሑሩ ፡ እምከንቱ ፡ ውስተ ፡ ከንቱ ፡ ክመ ፡ አላ ፡ ይለብጢ ፡ ጽድቅ ፡ ወያፍ
 15 ቅሩ ፡ አኃዊሆው ፡ ወኢይትበአሱ ፡ እንከ ፡ በከንቱ ፡ ሃይማኖቶው ፡ በከ
 መ ፡ ገብሩ ፡ እስከ ፡ ይእኔ ፡ ወለእመ ፡ ይትረከብ ፡ ለባዊ ፡ ዘይሌሱ ፡ ዘ
 ንተ ፡ ወዘይሜኒሂ ፡ እምዝንቱ ፡ *ወይሜሀሮ ፡ ወይጽሕፎ ፡ የሀበ ፡ እግዚ * 30 ሃ°.
 አብሔር ፡ በከመ ፡ ልሱ ፡ ወይፈጽም ፡ ሎቱ ፡ ከሎ ፡ ሥምረቶ ፡ ወያጽ
 ግበ ፡ እምሠናያቲሁ ፡ ዘአልበ ፡ መሥፈርት ፡ በከመ ፡ አጽገበኒ ፡ ኪያዩ ፡
 20 ወያስተፍሥሐ ፡ ወያብጽዎ ፡ ዲበ ፡ ምድር ፡ በከመ ፡ አስተፍሥሐኒ ፡ ወአ
 ብጽዓኒ ፡ ኪያዩ ፡ እስከ ፡ ጥም ፡ ዘሰ ፡ ይጸርፍ ፡ ላዕሌዩ ፡ በእንተ ፡
 ዝንቱ ፡ መጽሐፍዩ ፡ ወኢይፈቅድ ፡ ይለሱ ፡ ከመ ፡ ያሠኒ ፡ የሀበ ፡ እግዚ
 አብሔር ፡ በከመ ፡ ምግባሩ ፡ አሜን ፡

ተፈጽመ ፡ መጽሐፍ ፡

25 ዘጸሐፈ ፡ ዘርእ ፡ ያዕቆብ ፡ ዘውኣቱ ፡ ወርቄ ፡ በጃወጃዓመት ፡ ዘሕይ
 ወቱ ፡ እመ ፡ ሞተ ፡ ፋሲለደስ ፡ ወነግሠ ፡ ጥሐንስ ፡ ወእምድኅረ ፡ ጸሐፈ ፡
 ዘንተ ፡ መጽሐፈ ፡ ሐይወ ፡ ዘርዓ ፡ ያዕቆብ ፡ በሠናይ ፡ ርስዓን ፡ ጃወጃዓመ
 ተ ፡ እንዝ ፡ ያፈቅሮ ፡ ለእግዚአብሔር ፡ ፈጣሪነ ፡ ወይሴብሐ ፡ መዓልተ ፡
 ወሌሊተ ፡ ወከነ ፡ ክቡረ ፡ ጥቀ ፡ ወርእዩ ፡ ውሎደ ፡ ውሎዱ ፡ ለወልዱ ፡
 30 ወወልዱስ ፡ ሀብቱ ፡ ወለደ ፡ ጅውሎደ ፡ ወጃአዋልደ ፡ እምብእሲቱ ፡ መ
 ድኃኒት ፡ ወከነ ፡ ከሎ ፡ መዋዕሊሁ ፡ ለዘርእ ፡ ያዕቆብ ፡ ዘውኣቱ ፡ ወር
 ቄ ፡ ጃወጃዓመተ ፡ *እንበለ ፡ ሕማም ፡ ወሞተ ፡ በዓቢይ ፡ ተስፋ ፡ በእግዚ * 30 ሃ°.
 አብሔር ፡ ፈጣሪነ ፡ ወድኅረ ፡ ጅዓመት ፡ ሞተት ፡ ወብእሲቱኒ ፡ ወተቀብ
 ረት ፡ ኅበ ፡ ምታ ፡ እግዚአብሔር ፡ ይትወከፍ ፡ ነፍሳቲሆው ፡ በሰላም ፡
 35 ለዓለመ ፡ ዓለም ፡ ወወልዱ ፡ ወውሎደ ፡ ወልዱ ፡ ከኑ ፡ ክቡራነ ፡ ውስተ ፡

ብሔርን ፣ ወተባረኩ ፣ በበረከተ ፣ አቡሆሙ ፣ ወኢአከሎሙ ፣ ቤቶሙ ፣ በእ
 ንተ ፣ ብዝታ ፣ አልሀምቲሆሙ ፣ ወመንፈቆሙ ፣ ወረዱ ፣ ውስተ ፣ ቆላ ፣
 ታበ ፣ አዝማደ ፣ እሞሙ ፣ ወነበሩ ፣ ሀየ ፣ ፍሁ ፣ ከመዝ ፣ ይትባረክ ፣ ብእ
 ሲ ፣ ዘይፈርሆ ፣ ለእግዚአብሔር ፣ ይባርከን ፣ እግዚአብሔር ፣ በበረከተ ፣
 አቡየ ፣ ሀብቱ ፣ ወበበረከተ ፣ መሞሀርየ ፣ ዘርኦ ፣ ያዕቆብ ፣ እስመ ፣ አረጋ 5
 ዊ ፣ አን ፣ ጥቀ ፣ ወርዘውኩሂ ፣ ወረሣኦኩ ፣ ጳድቀሰ ፣ ዘይትገደፍ ፣ ኢር
 ኢኩ ፣ ወዘርኩሂ ፣ ኢይዪነስ ፣ እክለ ፣ ወውስተ ፣ በረከት ፣ ይሄሉ ፣ ለዓ
 ለመ ፣ ዓለም ፣ ወአን ፣ ወልደ ፣ ሕይወት ፣ ዘተሰመይኩ ፣ ምትኩ ፣ ወሰ
 ኩ ፣ ዘንተ ፣ ንስቲተ ፣ ላዕለ ፣ መጽሐፈ ፣ መሞሀርየ ፣ ከመ ፣ ታእምሩ ፣ ደታ
 ሪቶ ፣ ሠናየ ፣ ወበእንተ ፣ ጥበብየሰ ፣ ዘአለበወኒ ፣ እግዚአብሔር ፣ ወዘመ 10
 ሀረኒ ፣ ዘርዐ ፣ ያዕቆብ ፣ ገወጃዐመተ ፣ ፍሁ ፣ ጸሐፍኩ ፣ አነሂ ፣ ካልኦ ፣
 መጽሐፈ ፣ ለአእምሮ ፣ ወለተገሣጺ ፣ ለኩሉ ፣ ውሉደ ፣ ኢትዮጵያ ፣ የሀ
 በሙ ፣ እግዚአብሔር ፣ ልቡና ፣ ወጥበበ ፣ ወፍቅረ ፣ ወይባርከሙ ፣ ለዓ
 ለመ ፣ ዓለም ፣ አሜን ።

ተፈጽመ ፣ ዛቲ ፣ መጽሐፍ¹ ።

15

¹ Voces scriptae in margine inferiore.